

DE GLORIA

Heu heu infelix.

I terum nutrix caput occulta  
Nostrum nam me pudor oppressit  
Tege nam lachrymis oculi stillant,  
Vultumque rubor nimius tinxit.

Animum rediens cruciat sensus.

A mens trudor in exitium. sed

Præstaret tunc funere mergi

Cum sensum furor eripit omnem.

Videbis in Phædra etiam scelere, & amentia furente, non  
esse penitus extinctam indolem pudoris, & honestatis? Sed  
quid Phædram admiramur, cum Medea mulier omnium  
scelestissima, multiplicique parricidio contaminata apud  
eundem poetam Corinthijs mulieribus persuadere nititur,  
se se nulos officij numeros præterisse? Sed fabulas omitta-  
mus. Non enim illis nobis opus est, cum ipsa vita communis  
infinita exempla suppeditet. Quis enim vñquam fuit adeo  
impurus, & flagitosus, qui non suspiceret fidem, continetiam  
animi que excellentis altitudinem? Sume ex omni memoria  
quem velis. Vis ne Dionysium illum superiorem, terri-  
mum hominem & impurissimum? Multa quidem ille con-  
tra generis humani societatem impie, atque nefarie commi-  
sit. & patriam a se durissima seruitute oppressam multo  
rum cæde funestauit. Num illius inueterata perfidia, &  
immunitas efficere potuit, ut non fidem & animi constan-  
tiam laudabilem existimaret? Non profecto. Quantum  
enim amicitiae sanctatatem suspiceret aperte declarauit, cū

exemplum singularis amicitiae, atque fidei in duobus Pythagoricis ad miratus exclamauit, inquiens, Ut nam ego uobis tertius amicus ascriberer. Idem cum parasset insidias Polyxeno viro spectatissimo, qui Cestam illius sororem in matrimonio habebat, isque Polyxenus metu perterritus in Italiam fugisset, Cesta acriter incusauit, quod non indicasset mariti consilium. Tum Cesta, Adeo ne me, inquit dignitatis oblitus putas, ut si resciuisssem quae vir meus animo agitabat non me illi eiusdem fugere, atque fortunae comitem praebuissem? Multo enim erat mihi ad dignitatem aptius uxorem exulis Polyxeni, quam Dyonisi tyranni sororem appellari. Quid deinde fecutum est? Tyrannus ipse, vir immanis, & truculentus, illius virtutis admiratione perculsus Cesta post illum diem multo officiosius obseruauit. Iam filius eius quānis patrisscelera immēsa luxuria cumulasset, satis ostēdit quid de sapientiae atque virtutis ampleitudine sentiret, cū Platone honibus diuinis affecit. Quem tamen postea Syracusis alegavit, ne videlicet in illius cōspectu turpior appareret. Omitto praeclaram Phalaridis indolē: Nihil dicam de multis alijs tyrannis importuniissimis: ut ad Neronem tandem perueniam, quo quidē nullum tetrius, aut īmanius monstrū tellus extulit. Parum ne multis ille signis ostendit quam magnifice de virtute sentiret? Quanto studio quodam tempore viros excellenti ingenio complexus est: quanta industria musicen & alias ingenuas artes excoluit? Cum autem omnes suas opes in singularem nequitiam contulissent, inauditaque scelera conceperent, cupiebat tamen sese cōtinentem & gra-

## DE GLORIA

uem, summumque P.R. rectorem appellari. Numquam certe Nero virtutis egregiae nomen concupisset nisi in ea quam plurimum dignitatis messe iudicasset: Quid postquam matrem necauit? Nunquid illæ ipsæ matris furia, qua mentem ipsius assiduo cruciatu lacerabant, parum aperte docebant nūquam in hominibus quantumuis perditis, & efferatis sensum honestatis extingui? Nunquam enim sceleratos homines tantum sceleris conscientia vexaret, nisi bæsißet eorum animis, nihil esse scelere fœdius, nihil tetricius nihil detestabilius. Quod si Nero homo omnium scelestissimus, si homo ille appellandus est potius, quam importunum quoddam monstrum, etque prodigium: & scelus odio dignum & virtutem laudabilem, & amanda esse indicabat: Quis animo fingi potest adeo consuetudinis improbitate victus, ut virtutis magnificentiam nō suspiciat? Dies me deficeret si vellem exemplis hanc sententiam confirmare. In re tamen adeo perspicua vnicotantum, eoque recenti, atque domestico contentus ero. Fernandus quidam fuit regius Lusitanie princeps, Ioannis regis hoc nomine primi filius. Is de functo patre cum ab Eduardo rege illius fratre exercitum cum imperio obrinuisse, in Africam traiecit: atque signis collatis ita parua manu cum innumerabili hostium multitudine sepe conflixit, ut semper ex illis victoriam reportaret. Sed tandem effectum est, ut insidys oppressus in hostium potestatem perueniret, & in mediterraneas Mauritaniæ regiones deportaretur. Occuparat illic tyrannidem Lazera chusquidam, homo auaritia immanni, luxuria infinita, ferita

re incredibili præditus. Cum autem Fernandi redemptio  
fuisset in longinquum tempus dilata. (Nihil enim inter nos  
tros, & Maurum conuenire poterat) accidit tandem ut Fer-  
nandus ipse multis doloribus in ergastulo perfunctus, vitam  
ederet. Eius autem morte tyranno nunciata, tradunt illum  
quasi stupore perculsum diu siluisse: atque tandem hæc  
verba protulisse. Profecto si vir hic non ita Mahometi in-  
stitutis infensus, & inimicu[m] extitisset: fuisset in omni æta-  
te diuina quadam laude cumulandus. Fuit ille quidem in  
omni genere honestatis excellens: ego tamen tres illius virtu-  
tes præcipue sum semper admiratus. Constat enim, illum  
nunquam sese venere nulla commaculaſſe: nec unquam in  
vita menitum fuisse: Deumque semper ardentissima pietate  
coluisse. O vim virtutis admirandam, quæ hominibus etiam  
de decoro, flagitio, turpitudine contaminatis, eā adfert nece-  
ſitatem, ut vel inuiti decoris, & honestatis excellentiam  
laudibus in cælum tollant. Num clarior naturæ indicium  
expectatis? Perfidiosus homo, atque adeo ex fraude, & me-  
dacio compositus, singularem fidem admiratur. In omni  
libidine, tetro, & impure volutatus sanctissimi viri casti-  
tatem celebrat: hostis omnium sanctitarum, purissimum,  
& ardentissimum religionis studium laudibus efferendum  
putat. Ergo si virtus tantum valet, ut ipsorum quorum  
cupiditatibus infesta est, admirationem in gente comoueat:  
quid conuenit afferere, nos laudem non natura, & splendore  
suo, sed studio, & cupiditate nostra metiri? Si enim ita esset,  
qui turpi voluptate ducuntur nullo modo continentia pul-

## DE GLORIA

christudine moueretur: Neq; qui alienū appetunt, innocētiā laudarēt: neq; sclesti, & impuri castitatē religionis extolle rēt. Quod quā falsū sit, satis esse probatum arbitror. Quā quā in re minime dubia confirmāda fui lōgior, quā fortasse cōueniebat. Nihil est enim magis perspicuū, quā vniuersum genus humanū in virtutis laude mirifice cōfertire. & hoc sit ut dictum est, nō lege, more, aut instituto, sed insito natura iudicio. Ut enim sole lucere, ignē calere sētiunt vniuersi: ita mortales ônes quārumuis impuri, iudicāt virtutis excellētiā esse admirandā, & prædicādā, & ônium studio cōpleteādā. Nā ad id quod dixisti, infames homines, & impuras mulieres in ludicris, aut flagitiosis artibus exercēdis certo laudis præmio affici solere, iā respōsu est, Turpitudinē ipsā per se a nemine laudari posse: sed illud aptum, atq; concinnū, qnod in forma, in cultu, in motu, in gestu denique corporis enitescit. Quæ tamē honestatis similitudo nō tātā vim habet, vt impuras artes vulgo laudabiles efficiat. Nunquā enī vt probrum obiceretur, si hominū vulgus existimaret alicuius experēdi decoris laudē in illis esse sitā. Quod autē ad Syphum, & Autolicum, & Vlyssē attinet, intelligi oportet, non in illis vanitatē, sed sapiētiæ speciē fuisse laudatā. Sapientis enī hominis officium existimatur, multa dissimulare multa et iā inter lū Reip. causa simulare, & hostes insidijs callide circūuenire: quibus artibus apparel, tres illos priscis tēporibus nobilitatos extitisse. Nec tamē Homerus quanuis multa præclare dicat, est in ônibus audiēdus. Multa enī mētiuntur poetæ, vt est in veteri proverbio. Cū igitur, vt in pro-

positum redeamus, exploratum sit, tantam esse admiratio  
nem virtutis, tantū ipsius dignitatis splendorem, ut tyran  
nos etiam homines feros, & humano generi pestilentes cō  
moueat: quid de populo tādem vniuerso existimādū est? Cā  
stat enim ex ijs qui nec insigni scelere cōtaminati sunt, nec  
rursus egregiæ virtutis specie cōmēdati. Virtute nāq; exce  
llētes multis ānumerari nō possūt: & qui insigni aliquo scelere  
republicū oīū perturbāt, ūnū consuēta vītæ cōmūnione  
repellūtur. Est igitur populus multitudo collecta ex ijs, qui  
vel aliquā officij mediocritatē tueri possunt, vel in leuiore  
aliquo flagitio versātūr. Hic tuquātā orationē cōfūpsisti in  
accusāda libidine populorū, in amētia multitudinis insectā  
da, in cōmūnibus vītæ flagitijs describēdis? In illa vero expli  
catione ciuiliū seditionū, atq; publicarū calamitatū exulta  
uit oratio tua, omne āiquitatis memoria repetēs, atq; demō  
strās ūnia imperia populorū, amētia, & scelere cōcidiſſe. Sed  
mihi cred e, habuit multū iniquitatis accusatio tua. Præter  
missis enī bonis populorū opera, & industria cōstitutis, in eo  
rū tātū malis enūmerādis, vītijsq; ūnib[us] feligēdis versata  
est. Quid enī queso fuisse ad humanæ vītæ præsidium, &  
cultū vītiliter inuentū, si nō multitudinis labor, & manus  
accessiſſet? Vt enī hic omittā terræ culturā, ædiū extructio  
nes, vrbū munitiones, curationē valetudinis, nauigationē  
& artes imnummerabiles ad vītā sine cura degendā populi  
ipsius ope, & diligētia cōstitutas, recte profecto viuēdi discipli  
na, mores, & instituta nulla fuisset nisi, hominū multitudo  
iure sociata vñū in locū cōuenisset. Nā si homines insyluisdī

Spati bestiarum more vagaretur, quis humanitatis cultus,  
aut quod verecūdī signum in moribus humanis existeret,  
Ciuitates igitur indolem humanā excitauerunt, atque pa-  
latim hominum ingenia excolentes, ad honestatis splendore  
instruxerunt. In illis religio, & officium ortum est: ibi iusti-  
tiae lumen eluxit: ibi magnitudo animi, ibi modestia, & reli-  
quæ virtutes extitere. Quin etiam artium maximarum  
studium, occultarumque rerum inuestigatio, & inueniō  
nulla esse potuisse, nisi prius summorum hominum ingenia  
fuissent ciuibus institutis mansuetata, & exulta, ad re-  
rum naturam acriori mentis acie speculandam. Neque solit  
hoc præstat ciuilis cultus, ut homines ab agresti vita ad hu-  
manitatem traducti, facilius humanarum, atque diuinarū  
rerum cognitionem capiant, verum etiam ut secure, atque  
commode vitam in naturæ peruestigatione consumant.  
Nullo enim modo sumi viri sapientiae studia colere potuisse  
nisi multitudinis ope, eorum vita muniri, multorumque  
hominum inuenta ingētem illis materiam ad naturæ expli-  
cationem suppeditarent. Omnes igitur artes, quarum præsi-  
dio vitam sustentamus, & vim bestiarum, imbrium, hostiū  
arcemus, & animum sapientiae disciplinis excolimus, atque  
postremo homines sumus, ipsius multitudinis ope inueniē  
atque perfectæ sunt. Hęc tam multæ vtilitates, quanam tan-  
dem ratione à populis manare potuisse, nisi fuisset in natus  
omnibus insignis quidam pudor, & publicæ incoūmitatis  
appetitus? Quis enim queso est in populo legibus, atq; more  
constituto, qui a charitate humani generis abhorreat? Nec

enim solum liberos, parentes, propinquos, sed ciues etiam, atque adeo genus humanum sibi naturali amoris fædere sociam vident. Quam dociles autem sint ad omnem recte viuendi disciplinam, si modo rectores habeant, & prudentia graues, & publicæ in columnatis amantes, est explicatu difficultatum. Mirum enim est, quam omnes magistratus, & principes vereantur, & viros omni virtute præstantes obseruent, usque adeo, ut excellens hominis conspectu furor omnis considerat, & incendium seditionis extinguatur. Quod Vergilius elegantissime describit.

Magno (inquit) in populo cum sæpe coorta est  
Seditio, & uitque animis ignibile, vulgus,  
Iamque faces, & saxa volat, furor arma ministrat  
Non potuit magis ante oculos ponere turbulentæ discordiæ  
tempestatem. Sed videte illius sedandæ facilem & expeditam  
rationem. Inquit enim.

Tum pietate grauem, ac meritis si forte virum que  
Conspexere, silent, irrectiisque auribus astant.

Ille regit dictis animos, & pectora mulcet.

Cernitis quantum habeat autoritatis apud populum furij  
etiam ad teturum, & immane facinus excitatum prudentiæ,  
costitutiæ, atque probitatis opinio? Non est necesse id exemplis confirmare. Plenæ historiæ sunt: neque est quicquam  
magis peruulgatum, quam prudentium, & grauium homi  
num autoritate populi furores omnino comprimi, & tur  
bidas seditiones extingui. Quid illud? Non ne magnum  
argumentum est, nihil esse apud populum virtute illustrius,

## DE GLORIA

quod eos magnificat, qui præstatiū hominum testimonio  
cōprobātur? Nō enim mediocrē laudē inueniūt y, qui se ad  
claros, & spectatos viros adiungunt, & ab illis diliguntur.  
Hos itaq; multitudo statī incipit admirari, quanuis nōdum  
eorū recta studia perspiciat. Satis enim ad magnum decus  
existimat esse datum illis a summis hominibus, virtutis, &  
industriæ testimonium. Hoc animaduertētes poëtæ, fecerūt  
eos quos ornare volebant, quorundā deorum familiares, ut  
Vlyssē Mineruæ, Aeneā Veneris, Hippolytum Dianæ, ut  
multitudo in tāta gloria ponens approbationē hominum vin  
tute præstātum, tāto magnificentius de illis iudicaret, quos  
audiret fuisse deorū familiaritatibus implicatos, quātum di  
uina sentētia hominum iudicijs ātecellit. Ergo cum önes ho  
mines maximā quidē laudē arbitrētur esse a diuina mēte  
cōprobari, proximā autē a viris diuinis in precio haberiz:  
quid est magis perspicuum, quā önes ad virtutis, & sapiētiæ  
laudē cōspirare? Nā quod ais, populum ingratum sēper, &  
improbum in ciues bene meritos exstisſe, si recte iudicare  
de öni causa velimus, eum certe huius inuidiæ criminē libera  
bimus. Eas enim calamitates quas viri excellētes in liberis  
populis hauserunt, magna ex parte reperiemus paucorum  
perfidia illatas, multitudine reclamāte. Obiit in carcere Mil  
tiades, in quē fuit nō populo, sed Xātippo accusāte deductus.  
Populum enim in iudicio valde propitiū expertus est. The  
ramenes triginta tyrānorum iussu venenum sumpſit, inui  
to populo, necēque illius ægerrime ferente. Haufit etiam in  
ea ciuitate venenum Phoc.on, calumnia paucorum, Macedo

niæ regibus gratificatiū: at vniuersa ciuitas ob illius mortem in luctu versata est. Quid hic Socratis necē? quid Xeno phōtis exilium? quid Demetrij fugā? aliorumq; hominum industria præstatiū exitus miserabiles oratione cōplete&lar? Parum ne constat eos omnes ferme inuita multitudine in clades illas incidiſſe? quātum mœrorē, vt de Romanis loquar Metelli exilium ciuibus vniuersis attulerit, quātā rursus voluptate ex illius restitutione cuncti ciues exceperint, dici vix potest. Fuit Clodij cōductis operis in exilium pulsus Cicerο: At illius discessu omnis ciuitas incredibili dolore cōfēcta fuit. Quid de illius restitutione dicā tāta totius Italiæ gratulatione celebrata? Quāto amore populus vniuersus Catones, Paullos, Marcellos, Scipiones, & önes egregios viros cōplexus est, vt eorum casus, & incōmoda doleter tulit, quā grata voluntate fuit se per sūmorū hominū memoriā proscutus, doctorum hominum scripta declarat. Quare Afri- canum illum superiorē valde admiror, Linternum patriæ, quæ illum aplissimis honoribus auxerat prætulisse. Quin etiā tradunt moriētē præcepisse, vt sepulcrum sibi in eo ipso loco, quē exilio voluntario delegerat ædificaretur, ne ossa illius in grata patria cōtineret. O vocem tāto viro indignā. Tu ne ingrata patrīam appelles eam, quæ te tantis beneficijs ornauit? Illa te admodum iuuenem in summo imperio locauit: eadem summis virisi gloriā, & dignitatē tuam imminuere cogitantibus incredibili studio restitit: quin etiam illo ipso die quo erat tibi iudicium subeundum, suum erga te studium declarauit, cum de

ferto foro, ne neglectis tribunis, & insigni contumelia vexatis,  
te omnia tempora salutare prosecuta es. Si patriam appellas  
duos Petilios, qui tibi diem dixerunt, non recuso quo minus eam  
ut in gratiam, & immemorem scelere condennes. Si autem  
patria est uniuersa ciuium multitudo, cum haec te semper  
ornarit & auxerit, tuque dignitatis, amplitudini nullo in  
loco defuerit, non in ea gratum animum, sed in te prudenter  
requiero. Idem quod de Scipione diximus, de omnibus ferme  
præstantibus in rep. gubernanda viris dicendum est. Vix  
enim fuit unquam egregius homo, qui non populo egregie  
charus extiterit. Ais præterea populorum amentia ciuitates  
& imperia corruisse. Verum id quidem est, sed ea ipsa impe  
ria populorum opera, & industria fundata, & amplificata  
sunt. Non, inquietus, sed paucorum consilio, & sapientia. Fa  
teor equidem. Sed si ea iusta causa est, cur populos ab ea lau  
dis societate repellas, quod non perse, sed paucos secuti urbium  
fundamenta iecerint, & ciuilem societatem diutissime colu  
erint: eadem ratione defendam non esse verum causam pu  
blicæ calamitatis populis attribui. Non enim perse, sed paucos  
secuti omnia perdiderunt. quæ igitur inuidia est, id illis cri  
men inferre, quod præcipue pertinet ad principes eorum in  
scitia ad suam dominationem intemperanter abutentes: &  
laudem illis cum principibus communem ad principes uniuers  
am transferre? Si verum itaque fateri, & rectis populorum  
studis virtus pensare velimus, multo plura bona quam mala  
reperiemus rebus humanis fuisse opera multitudinis impor  
tata. Quæ quanuis interdum turbetur, & in perniciem irru

at, ducta tamen sepe ipsius honestatis splendorē a flagitio re  
uocatur. Ut enim mare diuinus sedatum atque tranquil-  
lum, quam tempestate concitatum animaduertimus: ita  
populum diuinus quietum, quam seditione commotum aspi-  
cimus. Hanc tu populi causam si tueri voluisses, quantum  
campum haberes, in quo oratio tua posset excurrene, & quo  
modo cunque vellet libere vagari? Facile enim potuisses,  
quaetua copia est, infinitis exemplis ostendere, quātus amor  
honestatis fuerit semper omnibus populis ingenitus. Atque  
primum res ab Atheniensibus gestae (nescio enim quomodo  
ciuitatis illius omnium disciplinarum altricis exempla liben-  
tius usurpamus) ingētem tibi materiam afferrent. Come-  
morares enim quam sepe uniuersus populus honestatis tuē-  
dæ gratia extremum discrimen adierit: quam illustres con-  
tentiones pro iusticie defensione, & torius Græciae libertate  
suscepereit: quanto impetu, & ardore cum summo fortuna-  
rum omnium periculo supplicibus opem attulerit. Quod si  
Spartā orationis ipsius cursu & impetu delatus esses, quā  
multis, & quam memorabilibus exemplis disputationem  
locupletare potuisses? Explicares enim puerorum institutio-  
nem, studia iuuentutis, ipsius senectutis grauitatē, uniuersi-  
que populi in virtutis studio consensionem. Tum ea quæ La-  
cedemoniorum multitudo pro Græciae defensione fortiter,  
atque laudabiliter gessit: quæ recte, temperate, & constanter  
administravit luculenter exponeres. I am Romanæ gentis  
mores, & instituta quam amplam orationis segetem tibi  
suppeditaret? Quæ enim tanta fides, tanta iuris iurandi reli-

gio, tantum honestatis studium in ullis unquam fuit? An  
tu credis fieri potuisse, ut populus ille tam longe lateque im-  
perium augeret, idque tam multis annis conseruaret, si non  
artes praeclaræ, quibus erat instructus, multis partibus eius-  
dem vitia superassent? Nullo modo, mihi crede, non dico  
imperium augere, sed ne ciuitatis quidem unius opes diu tue-  
ri potuisset, si plus apud eum libidinis, & ignauiae turpitudo  
quam laus industriae, & continentiae valuerisset. Nihil enim  
est, quod sine virtutis, & modestiae praesidio possit esse diu-  
turnum. Ut autem hic Gallos, & alios populos rerum gesta-  
rum gloria florentes omittam, quomodo tu Hispanæ natio-  
nis facinora verbis extolleret? ut singulas res uniuersæ  
Hispaniæ consensu contra Christiani nominis hostes suscep-  
tas exornares? Diceres enim quanta virtute Hispani pro  
religione dimicarint: quanta contentione patriam defen-  
derint: quanta fide reges, & principes amplexi fuerint.  
Ant tibi homini eloquentissimo in tam vera & expedita  
causa oratio defuisset? quam autem similitudinem trucule-  
tæ bestiæ inducis, alienam puto. Non enim ut inuitis bestijs  
atque recusantibus sunt iniecta vincula, sic hominibus leges  
impositæ. Homines enim non vis, sed ratio impulit ad leges  
acciendi. Rationi autem injici vincula non possunt. Quæ  
vis enim queso multitudini inferri potuit? Aut quo suppli-  
cij metu uniuersum populum coges legibus obedire?  
At constat sœpe numero multos ut patrys legibus obtempe-  
rarent ad non dubiam mortem concurrisse. Vnde in Spar-  
tiatas, qui apud Thermopylas duce Leonide ceciderunt ex-

tat illud Simonidis epigramma à nostro Cicerone verbum.

Dic hospes Spartæ hic nos te uidisse incentes

Dum sanctis patriæ legibus obsequimur.

Ergo qui ut legibus parerent mortem experierunt, eos certe constat, non metu coactos, sed honestatis amore ductos ad quam eos leges erudiebant, seipso in vita discrimen intulisse. Nec enim si hosti cessissent, erat illis aliqua poena præter ignominiam subeunda, quam ut vitarent sanguinem suum patriæ largiri voluerunt. Hoc etiam de multis alijs nationibus affirmari potest, quæ usque ad extremum spiritum pro institutis patriæ decertarunt. Hoc ipsum autem est magnum argumentum docilitatis ad honestatem, quod uniuersi populi leges vereantur. Sunt enim magistræ morum, officij disciplinam continent. Sed inquis, eas nō esse grauibus, & honestis, sed flagitiosis hominibus scriptas.

E quidē ut fatear eas nō esse perfectis hominibus impositas, ita neque ijs qui omnem moderationem repudiant scriptas esse defendam. Hoc enim est illis propositum, ut humanum animum ad omnia virtutis officia natum, sed domesticis interdum vitijs a natura discedentem, ad naturam suam reuertifaciant. Nam duplex est animorum cultus. Vnus positus est in philosophia, qua splendida ingenia sapientie opibus excoluntur: alter in legibus & institutis, quibus imperfecti, & mediocres homines ad officium erudiuntur. Quod enim prestat altissimis animis altissimarum rerum cognitio, hoc licet non eodem modo prestat multitudini, disciplinæ ciuilis institutio. Vtraque enim facultas id efficit, ut ratio

DE GLORIA

coerceat temeritatem. Ut igitur qui apti sunt ad sapientiae disciplinam, philosophiam colunt, ut sapientes euadant: ita qui nondum moribus recte constituti sunt, natura propensi sunt tamen ad honestatem, egiibus viuentes in dies honestiores fiunt. Sunt enim leges praescripta rationis ad officium impellantia, & a flagitio multis modis auocantia. Partim enim sceleratos homines de medio tollendo, partim mediocres homines ad honestatem, premio laudis incitando, multitudinem bonam, & obsequenter efficiunt. Ut enim medicina resecat interdum partes insanabiles, ne earum contagio totum corpus inficiat. ita leges extremo suppicio in expiabile scelus compriment, ne ex illo quasi quedam lues ad uniuersam rem permaneat. Et quemadmodum, ut in codice similiter verser, ubi salus omnino desperata est, ibi nullus medicinæ usus esse potest: ita si mores publici fuissent omnino corrupti, nunquam legibus fuisset in scelera vindicatum. Nam neque curatio desperatis adhibenda est, neque corruptæ partes excindendæ, si totum corpus est similiter affectum. Hic tu populum ipsum quasi beluam immanem mutant, atque repugnantem legum claustris inclusam esse vis. Quasi non ab ipsis populis experitæ leges, atq; comprobatae sint. Alter enim cur tanti honores Lycurgo apud Lacedæmonios publico omnium consensu decreti fuissent? Cur apud Athenienses Solonis nomen in tanta laude floruisse? Cur Romani ciuitatis principes in Græciam misissent, qui leges a sapientissimis hominibus latas describerent? Cur omnibus qui leges dedere summa rerum omnium potestas permissa fuisse? Omnes

enim constat in suis ciuitatibus principatum tenuisse. Omittio illa antiquiora de diuinitate credita Mercurij apud AEGY ptios: de Minoe, & Rhadamantho, qui filij Iouis habiti sunt de multis alijs, legum latoribus, qui fuerunt populorum opinione indeorum numero repositi. V eliminatur igitur mihi dicatis, quæ nam belua immanis vincula expetiuit virquam, aut diuinos honores habuit illis a quibus alligata est: quid illud multa enim in publico more posita pro lege habenda censem illi, quos authores haberis. Sic enim, ut alios omittam, vester Julianus ait. Cum ipsæ leges non alia ex causa nos teneant quam quod iudicio populi receptæ sunt, merito & ea quæ sine ullo scripto populus probavit, tenebunt omnes. Ex hac Juliani sententia, quam reliqui omnes sequuntur, apparet, quantum sit publico iudicio tribuendum. Nunquam enim viri grauissimi, atque prudentia præstantissimi ranti feci sserunt universæ multitudinis approbationem, nisi acute vidi sserunt, illius voluntatem esse plerumq; cum honestatis studio legumque prudentia mirifice congruentem. Quod si lex est, ut placet Demostheni, deorum inuentum atque munus aut, ut inquit Aristoteles, mens omni perturbatione vacans ea que de causa diuina: constat que populi morem & legem ratam efficere, & pro lege reputari: efficitur plane populi plerumque iudicium cum diuina mente consentire. Quod igitur tu pro argumento sumis amentiæ popularis, id maxime populi pudorem, & verecundiam confirmat. Continent enim leges, quibus populi deinde sunt, totius honestatis disciplinam, universumque Reip. statu præsidio suo commununt.

In quo autem inuidiam ex tyrannorum immanitate populo concitare voluisti, parum mihi visus es attendere, quantum indicium honestæ indolis in populis extiterit, Tunc etiam cū tyrannos publico præsidio armabant. Quantum enim sit multitudo ad honestatem propensa, ex eo perspicitur, quod nemo unquam ad eam astu capiendam accessit, sine virtutis egregiæ simulatione. Quis enim unquam tyrannidem affectauit, qui non prius omnem contentionem in eo adhibuerat, ut vir virute excelles, & publicæ incolumentatis amans haberetur? quemadmodum enim aucupes aut esca, aut fistula aues alliciunt, atque tandem improvidas illaqueant: ita qui populum insidüs opprimere statuunt, hoc primum aucupio simulatæ virtutis sibi videntur putant. Nunquam profecto maliciosi homines hac arte populum sibi captandum existimarer, nisi intellexissent illum virtutis specie delectari. Ergo si populi voluntatem respicias, videbis eum tunc etiam cum ad homines improbissimos omnes opes Reip. deferebat, plurimum virtuti tribuisse. Non enim illos sed virtutem, quam inesse in illis existimabat ornandam esse ducebat. Idque ubi primum dolum sentire potuit, aperte ostendit. Quantum enim odium in tyrannos, & quam immane concipiatur, quam inimicus & infestus sit omnibus qui simulata virtute populis illuserunt, explicari non potest. Multa dica alia possunt, ex quibus ljiudo constet, quam sit ut plurimus omnis multitudo honestatis appetens, & infensa turpitudini. Sed minime necesse est. Hoc enim dico, cum populi mores immutati perniciem Rep. minitantur: cum ciues perditii,

effrenataq; libidine furentes sese flagitijs omnibus inquinat: cum ut rerum humanarum conditio postulat Reip. fatalis exitus appropinquat: tunc etiam omnium testimonio virtutis excellentiam comprobari. Te autem teste potissimum ut ar. Sic enim a nomina rebus immutari, malitiam appellari vulgo sapientia, audaciae virtutis nomen imponi. Si igitur tantum studiū existit in omnibus improbis occultandi flagitijs, virtutumque nomina captandi, nonne satis appetet eos omnes egregie de virtute iudicare? Addis praeterea in periculis constituti optimorum auxiliū implorant, metu autem liberati eos de e patriae finibus expellunt. Non cernis igitur quantum in omni fortuna testimonium a corrupta multitudine viris optimis impertiri soleat? Nam qui in communis reris omnium perturbatione, in rebus desperatis, cum ad delubra omnia confugiant ut ira diuinā religione placent, a viris etiā bonis, quasi a quodam numine coelesti auxiliū implorant, iudicant, certe in illis diuinā virtutem elucere. Qui vero secundis in rebus, ciues benemeritos ejiciunt, aut in eos improbi sunt, quod intelligit eorum virtutē, & continētiā pecuniarū cupiditati, voluptatū que libidini repugnare: aut inuidia ducti, virtutis præstatiā aequo animo aspicere nequeunt. Si ut licentiā suarū cupiditatū obtineant, quid illustrius, quam declarari ab hominibus libidi ni deditis, sese presentia hominis unius, tamquam luce solis offendi? Nec enim perditi homines de illo præclarā opinione habent quæ flagity testem habere non reformidant. si aestuantes inuidia egregios viros exterminant, eos plane iudicant esse diuinis copijs affluentes. Iis enim quæ quisque contemnit nemo

inuidet, sed ipsi quae pulchra, & eximia putat. Quid est igitur clarior, quam in omni fortuna semper excellentem virtutem furiosi etiam populi consensu in laude versari? In uniuersum autem, tria sunt quae aliquo tempore expressa laudem virtutis impedian. Nam aut flagitiosa cupiditas incitat homines ad laudem honestatis obterendam, aut inuidia ad extinguedam, aut inscitia ad obscurandam. Cum enim, ut primum de cupiditate loquar, animus & ger quasi graui morbo oppressus ad studium virtutis excitari nequit seque nefarie. Voluptati constringendum dat, indigne patitur proprium scelus aliorum splendore coargui. Hoc igitur instigat homines amentes ad aliud facinus longe detestabilius obeundum. Intendent enim insidias optimo cuique, machinas omnes adhibent, ut eum aut interimant aut exterminent, ut ita tandem possint per omnia genera libidinum vagari. Ut igitur lucem oderunt, non quia parum iucundam aspectu, aut parum rebus humanis utilem existiment, sed quia suis interdum flagitiis eam aduersari conspiciunt, ita virtutem interdum nefarie persequuntur: Non quia lumen illius parum cœlestis, atque diuinum arbitrentur, sed quia vident illud esse sceleri contrarium, & inimicum. Ergo ut ad suscipienda flagitia oportunitate noctis utuntur, ita luce virtutis amora credunt se multo liberius peccaturos. Vide enim illius discessu, noctem atque tenebras quasi occidente sole futuras. Haec itaque flagitiosae cupiditatis immanitas est interdum impedimento, quo minus virtus pleno ore laudetur. Inuidia deinde quantum potest, eam infringere cona-

rur. Est enim inuidia malum teturum, detestabile, execrandum, omnibus bonis infestum, rebus humanis pestilens, atque mortiferum. Hac ubi animis hominum quasi furias quasdam immittit: ita eos amentia præcipites exturbat, ut in amicorum etiam perniciem instiget. Dum enim plerique dignitate principes esse cupiunt, idque non tam industria excellente, aut acri virtutis studio, quam alienæ laudis iminutione se assequi posse confidunt omni impetu feruntur in eos, quos vident insigni dignitate præditos, usque adeo ut neque familiaritate, neque propinquitate, neque illa denique coniunctione à tanta sceleris immanitate deducantur. Nihil est enim tam sanctum, nihil tam omni religione munitum, quod non inuidia violare soleat. Intimos enim sensus lacerat atque consumit, tantumque dolorem efficit, ut menti lucem eripiat, & ab omni alia cogitatione ad virtutis exitium traducat. Hinc igitur doli, fraudes, insidiae, hinc tela comparata in bonorum pestem, atque perniciem: hinc turbulentissimæ tempestates excitatae. Attamen quo maiorem dolorem capiunt homines perditiissimi ex aliena dignitate, eo clarius indicium iudicij sui dant. Nunquam enim tanta inuidia estuarent, nisi plane cernerent eas opes, quibus homines singulari virtute in omni genere redundant, esse laude immortali dignas. Ergo neque flagitosi homines cum impune libidi, atq; dedecori seruire cupiunt, nec inuidi cum alienæ dignitatis aspectu contabescunt, aliter de virtute iudicant, atq; viri boni, quamvis id omni ratione dissimulent. Considerandum tamen est quam breuis, & quā imbecilla sit illa fraus.

DE GLORIA

hominum aliena dignitate dolentium. Quanvis enim pri-  
mos impetus habeat vehementes, interposito tamen spacio  
consenescit, atque tandem vires omnes amittit. Illi enim  
ipsi qui omnia affrenata libidine metiuntur, qui virtutem  
intueri nequeunt, eandem paulopost vi naturae victi in omni  
estate celebrandam, atq; religione consecrandam existimant  
Obscurum ne est, ubi primum virtus ab omnium conspectu  
remouetur, omnem inuidiæ tumorem residere, & spectatos  
homines ab ipsis inuidis requiri? Tunc enim omnes virtutem  
amissam lugent: tunc se bonorum praesidiorbatos esse que-  
runtur: tunc cupiunt eos etiam quos occiderunt in vitam re-  
uocatos: Tunc eos laudibus in cœlum extollunt. Sic igitur fit  
ut omnes excellentes Viri in multo maiore gloria post mor-  
tem floreant, quam in vita florebant. Tunc enim inuidiæ  
impetu videbatur non unquam cursus veræ laudis impediri.  
Post mortem vero inuidia prorsus extincta, & caligine ab  
omnium oculis dispulsa, mirum est quantus splendor virtuo-  
ris omnium oculis obseretur: & quanto consensu vniuersæ  
multitudinis efferatur. Restat ut de multitudinis infirmitate  
differamus, quam tertiam causam esse dixi, cur interdum  
virtus in obscuritate lateat, Fateor e quidem imperitu val-  
gus in magnis erroribus versari solitum. Multos enim vide-  
mus falsa virtutis opinione commendatos, multos, contra  
virtute excellenti preeditos eodem errore hominum in igno-  
minia versari. Nam licet sapientes cum insipientibus in vir-  
tutis approbatione consentiant, huc tamen interest inter  
vero que quo sapientes statim, vere, & incorrupte iudicant

Cr uitia nomine virtutis inuoluta perspiciunt: insipientes ve  
ro id tardius assequuntur, & prius aliquam in scitiæ pœnam  
luunt. Vnde perspicitur illis qui ad verâ gloriam nituntur  
non modo perditorum hominum furore, & inuidia multos  
labores esse perferendos, & ingentia vitæ discrimina suben  
da: sed etiam infamia concipienda. quæ tamen intra breue  
admodum tempus delenda sit. Tanta enim est veritatis uis  
tantu[m] veræ virtutis lumen, ut omnē infamia aut scelere ho  
minū aut errore cōflatā deleat, & extinguat. Ita tādē fiet  
ut homines etiam scelesti, & imperitib[us] bonos egregie laudent.  
Non ita est, inquis. Nam cum in omni genere rerum illi tan  
tum iudicare de ijs rebus possint, qui sint earum rerum  
scientissimi, fieri non potest, ut populus cum sit virtutis igna  
rus, recte de virtute iudicet. Hoc quidem recte dictum fui  
sse, si sensus uile quo honestatem laudandam, & amandam  
sentimus, ratione, & disciplina, & non potius natura, &  
quadam penitus in sita notione constaret. omnes enim a na  
tura informati sapientiam, & equitatem, & animi altitudinem  
cum admiratione suspiciunt. Quod inficiari non potes. Sed  
inquis, insidias fieri multitudini, & ita euenire, ut homines  
flagitosi simulatione virtutis opes, honores, imperia conse  
quantur. Fateor quidem. Sed quæro num possit aliquis  
dolis, & fraudibus in diuturna laudis possessione permanere  
Minime certe. Cur ita tandem? Quia multa signa sunt,  
quæ facile arcana mentis indicent. Nam cum oculi, frons,  
status, incessus occulta mentis aperiant, tum multo magis  
oratio, omniaque vitæ consilia, quæ semper natura cogente

cum mentis habitu consentiunt. Est enim animus quasi fons  
perennis, unde omnis oratio, & omnes actiones emanant.  
Vbi igitur virtus redundauerit, multa necessario profluent,  
quae illius inclusas libidines ostentent. Quantum studium  
adhibuit Alcibiades quandiu Spartæ vixit, ut seueri, & con-  
stantis hominis personam sustineret? Num eam tueri diu  
potuit? Non profecto. Insita namque libidine concitatus in-  
finita flagitia concepit, cum summa impuritate & impuden-  
tia. Quid Phalaris? quid Dionysius? quid alij immanissimi  
tyranni? Num cum populos specie lenitatis, & clementiae  
delinire cuperent, insitam immanitatem dissimulare potue-  
runt? quam multi perfidiosi cum intelligerent nihil esse fide  
plausibilis, frustra se bonos viros esse simularunt? Quam  
multinatura, & ingenio truculentis frustra clemetia & fama  
aucupari conati sunt? Veluti ille Demea Terentianus qui  
cum videret facilitate nihil homini esse melius, neque clem-  
tia, ea que de causa blanda, atque benigne facere meditaretur,  
nullo modo potuit id quod inuita Minerua conabatur ad  
extremum usque tenere. Ad naturam itaque suam subinde  
redit, & cum maxime se cohibere vult, verba plena stomachi  
fundit. Quale est illud. Effundite, emite, facite quod vo-  
bis lubet. Nulla denique virtus, nullum studium diu simu-  
lari potest. Aduersatur enim atque repugnat ipsa natura.  
Quarum igitur nullum esset ingenium in populo, scelus tam  
tam multis signis seipsum indicans negotium nullum esset  
inspicere. Quid? quod non est omnino hebes ad id quod est  
melius intelligendum? Ut enim facias in rebus, quae artificio

constant, multa ab earum rerum intelligentibus animaduer-  
ti posse, quæ imperitos effugiunt, id tamen in rebus, quæ sunt  
communibus infixa sensibus accidere non posse defendo.

Quanquam in artibus etiam videmus eadem se penumero  
doctis, & indoctis probari. Quis enim est in populo quem  
Francisci Mediolanensis eximij citharoedi cantus non in-  
credibili suauitate demulceat? Quem Michaelis tabula no  
admiratione suspensum teneat? Legi nuper per bella epigrā-  
mata summorum hominum in tabulam quandam in qua  
erat Mendoza tuus vir omnibus rebus ornatissimus Cæsa-  
ris apud Venetos legatus opera Titiani cuiusdam luculenter  
expressus. Existimas ne fieri posse ut illa pictura, quæ viros  
doctissimos, & amplissimos commouit, non multitudinem  
etiam commoueret? Idem etiam in omnibus alijs artibus  
accidere videmus, ut qui excellentes artifices ab optimo quo  
que artifice iudicantur, iudicio etiam multitudinis excellant  
Contra vero si pictor aliquid imitando à natura discedit, si  
musicus vocem absconam, & paulo a numerorum ratione  
discrepantem mittit, omnes quantumvis harum artium  
rudes offendit. Quod si homines idiotæ de artibus illis saepe  
numero recte statuunt: quarum intelligentiam sine discipli-  
na a sequi non possunt: quid de honestate dicendum est, ad  
cuius intelligentiam, & cupiditatem non disciplina, sed natu-  
ra instituti sumus? Si Aristidis ætate quæsiisset aliquis  
Athenis quis esset omni laude florentissimus, num aliter  
graues homines, aliter plebem fuisse responsuram opinari  
conuenit? Minime quidem. Omnes enim vnum Aristidem

propter virtutis excellentiam admirabantur. Tempore Phoeyonis quis bonorum opinione fuit illo virtutis, & continentiae fama præstantior? Quis item fuit illi iudicio multitudo antelatus? Quid hic Camillum, quid Regulum, quid Africanum, & alios excellentes populi Romani principes commemorem? Quis, enim erat Romæ qui non eorum virtutē Romanum imperium niti indicaret? Sed minime necesse est in re perspicua confirmanda multis exemplis uti Constat enim semper vulgus hominum gravitatem, constantiam, & animi magnitudinem suspicisse. Quod si aliquando aut vera virtus latet, aut virtus simulatione virtutis oculuntur, considerandū est, nec virtutis lumen diu obscurum esse posse, nec quicquam fictū, aut simulatum in diuturna laude versari. Praeclare igitur Socratee, ut est apud Xenophontem eam tantum esse certam ad gloriam viam asserebat, quæ veritate muniretur. Hoc autem ita confirmabat. Fingamus aiebat, velle aliquem aulaeum preclarum existimari non tamen sit. Is cum illud musicum artificium imitari nequeat, reliqua omnia quæ viderit fieri ab aulaedis summa animi cōtentione, persequetur. Primum igitur operam dabit, ut ad eorum similitudinem ornatu pulcherrimo instructus, & sequentium agmine circunfusus in publicum prodeat. Deinde cum eos videat omnium sermone laudari, multos etiam laudatores allegabit. Sed tandem aut nullum sui specimen dabit aut si dare voluerit sese ridiculum ostendet, Nec solum manus aulaeus, sed impudenter arrogans esse conuincetur,

ingentesque opes sine ullo fructu consumens. Hoc igitur tanto dedecore sine ullo emolumento, & cum omnium derisione concepto, quoniam modo poterit reliquam vitam sine angore traducere? idem eueniet illi, qui se summum imperatorem, aut optimum gubernatorem haberi velit, harumque artium sit ignarus. Si enim cum valde cupiat singularem de se opinionem multis afferre, fidem non fecerit, erit certe miser. Si autem fidem fecerit, multo miserior. Nec enim poterit, aut clauum sibi traditum tenere, aut exercitum sibi commissum moderari: & ita eos quos minime veller, funditus euertet, & ipse cum insigni dedecore, & ignominia peribit. His quidem verbis inquit Xenophon solitum fuisse Socrate nobiles homines ab inani gloria deterrere. Alibi vero sermonem a Cambyses cum Cyro filio habitum exponens, ita eos loquentes inducit. sic statuis pater, inquit Cyrus, nihil esse utilius opinione sapientiae, ad milites imperio continuendos. Ego vero, inquit Cambyses. Qua nam igitur ratione perficiam ut omnes me sapientem opinentur? una est, inquit via o fili ad illustre sapientiae nomen in quo quis genere consequendum, sapientiam ipsam complecti. Quod quidem in res singulas inquirens verum esse deprehendes. Si velles enim te bonum agricolum, aut equitem, aut aulodem existimari, non tamen essem, aut aliam quamvis artem profiteri instituisses, cuius essem omnino radis, vide quam multa tibi fuissent excogitanda, ut eam quam velles opinionem populo connoveres. At qui si cum multis egisses, ut te laudaret, ut videlicet ea via falsa illa confirmaretur opinio.

## DE GLORIA

magnifico cuiuslibet artis apparatu, expectationem multitudinis excitasses: ubi primum tui periculum fieret, inscitia tua conscientia omnium conuicta teneretur, & apertissimum insolentiae crimen sustineres hactenus quidem Xenophon. Cuius sententia videmus quam sit inanis eorum conatus, qui dolo, atque fallacys ad gloriam aspirant. Erunt illi quidem aliquo tempore in oculis populi, & opibus, atque gratia florebunt. Sed ubi primum insidiæ detectæ fuerint (neque enim animo conceptum scelus dissimulari diu potest, neque latere) summa infamia deformabuntur. Sola igitur vera virtus firmam, & stabilem gloriam efficiet. Magna est enim vis in virtute, magnum robur, & inuictum: nempe quæ neque perditorum hominum iniurijs infringi, neque inuidiæ telis obrui, neque inscitia multitudinis obscurari possit: sed ita semper cum scelere, & amentia congreditur, ut clarissimum triumphum agat, lumenque suum tandem omnium oculis conspiciendum exhibeat. Ergo cum neque flagitorum omnium inuisa fœditas, neque inuidiæ detestabilis immanitas, neque imperitæ multitudinis amentia possint ullo modo laude honestatis diutius impedire: nihilque sit aliud quod laudi virtutis officiat, cueniat tandem necesse est, ut virtus omnium improbissimorum etiam confessione summis laudibus effeatur. Hæc est illa gloria quam amandam, quam expetendam iudico. Nihil enim est a virtute profectum, quod non sit omni studio complectendum. Illa vero fallax, & inanis, quæ se huius imitatrixem esse cupit, quanvis illi nemo resistat perse tamen intra breve tempus evanescet. Nullas enim vires fab

sitas habere potest, ad permanendum. Hæc est illa quæ populo supplices esse facit, quæ scelera infinita suscipit, quæ ciuitates, & imperia conuelliunt, inanis, furiosa, turbulenta, dignitatis appetens, & nunquam in illa dignitatis parte versata. Huic tu quidem virtus grauiter insectatus es. Sed oratio tua immerito inanis gloriæ flagitia ad ipsam gloriam transculit. Quod quidem perinde est, atque si quis humanæ figuræ eluto fictæ virtus colligens, eaque in hominem conferens probare vellet hominem esse luteum, & fragilem, mente, & ratione penitus carentem. Ista enim gloria, cuius scelera complexus es, non magis in gloriæ rationem cadit, quam homo eluto, & argilla fictus in hominis rationem. Tuis autem definitionibus uti libet. Vis enim gloriam esse consentientem. Vniuersi populi laudem, opinione excellentis decoris excitata. Vt rigitur tibi tandem gloria affluere videntur? Illine qui e blanditis suffragijs, in opinionem suorum ciuium irreunt? an illi potius, qui laudem non ambitiose flagitantes, ab omnibus tamen & ciuibus, & peregrinis miris laudibus efferuntur? Illi qui aura leuissimi, & inconstantissimi ruminis exultant? An i quorum laudem nulla consequens etas obruet? Illi postremo, quos imperiti tantum, ad breue almodum tempus, inanissimo plausu prosequuntur? an illi potius, quos paulo post omnes ciues, & peregrini, prudentes & imprudentes boni, & improbi sunt eximijs laudibus ornari? Est enim virtus grata multitudini, iucunda bonis, improbis admiranda, & contra omnia inuidiae tela vindique munera. Eam itaque solam gloria stabilis & firma conser-

## DE GLORIA

quitur. Contra vero qui virtutis expertes sunt, frustra ad gloriam nituntur. Merito igitur eos ita pudet istius levitatis, ut interdum glorie studium in concione profiteri non audeant. Est enim fœdum, & flagitosum gloriam sine virtute consectetur. Illa igitur oratio qua ambitionis indignitatem, insidias, & gritudines, humiles & fractas exanimationes eleganssime descripsisti, nullo modo gloriam labefactat: nempe quæ non in ambitione, sed in eximia virtute consistat. In quo vero ais sapientiae studia vulgo contemni, sapientiam tuam requiro. Si enim quid primo impetu vulgus exquirat attendimus, fateor eorum studia despici, qui neglectis diuitijs, spretis voluptatibus, omnem, operam in naturæ peruestigatione ponunt. Si vero quid tandem natura cogente laudare soleat, intelligemus omne studium esse gloriae cupidis in sapientia collocandum. Illienim ipsi qui primo præclaras studia spernunt, paulo post animo reputantes ipsius sapientiae dignitatem, sapientes homines, ut aliquod cœlestis numerus intuentur. Si autem antiquitatis memoriam repetere velimus, videbimus, omnes qui sunt habiti sapientia præstantes amplissimis honoribus usos, eorumque consilio res magnas administratas. Ut enim a poëtis ordiamur, quis ignorat in quanto honore fuerit apud Thebanos Tirestas: Calchas vero apud uniuersos Græcos, qui Troianis bellum intulere? Ex principibus autem Amphiaraus, Nestor, Palamedes, & Ulysses sapientissimi sunt existimati. Quis igitur illis temporibus fuit authoritate præstantior? Achilles autem feretur fuisse traditus in disciplinam Chironi centauro qui fuisse

inter illius memoriæ sapientes numeratus. Ex quo intelligi  
tur, quantum fuerit olim sapientiæ tributum. Nunquam  
enim poëtæ finxissent Achillem, quem diuinis laudibus or-  
nare volebant, fuisse summis artibus eruditum, nisi animad-  
uertissent, omnes mortales præclaras disciplinas admirari.  
Sed abeamus a fabulis. Quid Lycurgus? Nonne sapientiæ  
admiratione tantum est authoritatis affecitus, ut ciuitatē  
luxuria disfluētem legū severitate deuinciret? Quid septē  
sapientes? Non ne in suis ciuitatibus principatum obtinuerūt  
et Græciam vniuersam, bonamque Asiae partem sapien-  
tiæ nomine commouerunt? Athenis vero postquam doctri-  
na studia a paruis initijs ad summam amplitudinem perue-  
nere, quis populi suffragio vel exercitui, vel Reip. præfectus  
vñquam fuit, qui non esset idem omni doctrina perpolitus?  
Quid hic referam amplissima laudis ornamenta, quibus  
Gorgias, Plato, Aristoteles, Xenocrates, Theophrastus, et  
omnes desique in philosophia excelentes affecti sunt? Apud  
Persas autem magi in tanta admiratione fuerunt, ut nemi-  
ni regnare liceret, qui non fuisset prius eorum disciplinis in-  
stitutus. Quantus honos item fuerit habitus apud Aegyp-  
tios sacerdotibus, penes quos erat diuinarum, et humanarū  
rerū scientia, explicari non potest. Romanis longo tempore  
politiore doctrina caruerunt. Attamen quantum rerum  
cognitio iitribuerint, ex eo intelligi potest, quod vanissimā  
illam ex Etruria disciplinam, quæ in monstris interpretan-  
dis, et extis inspiciendis posita erat, in summo honore ha-  
berent. Quare minime mirum est, postquam philosophia

## DE GLORIA

Romam immigravit, multitudinem maximarum artium disciplinas admiratam esse, nobilitatem que ad earum cupiditatem vehementer exarsisse. Quid commemorē Africānum illum, qui Carthaginem, & Numantiam deleuit, quid Lælium sapientem cognominatum, quid Scæuolam, & Brutum, atque postremo, ut alios innumerabiles emittam, Ciceronem nostrum eloquentiae parentem, qui gloriam Romanam doctrinæ muneribus mirabiliter illustravit? An est obscurum eruditos homines apud Romanos egregiam laude & eximios honores fuisse disciplinarum omnium laude consecutos? Nec Romanis solum, sed etiam externi doctrinæ commendatione fuerunt, in eam ciuitatem accepti, atque summa honoribus ornati. Qualis fuit Plutarchus Cheronæus, & L. Seneca, alyque permulti, quos esset infinitum recensere. Druides autem apud Gallos, Brachmanes apud indos quæcumque multitudini admirationis attulerint, est satis exploratum. Exponam vobis rem admirabilem, & auditu fortasse non iniucundam. Sine ut scitis, regionem incolunt latissimam, in extremis orientis oris, ad Septentrionem sitam, atque Scythia continentem, ita ut multis in locis niue, pruinaque rigeantur. Nostri autem, cum maria omnia transmiserint inuestis armis omnia littora peragrantes, auream Chersonesum, extremasque oras Indiae preteruerūti, flectunt ad Septentrionem, id regiones maritimam Sinarum naues appellentes. Ibi itaque tandem corsi sunt, atque finem Ulterius navigandi faciunt. Qui igitur ex nostris aliquod commercium ac illis habuerunt, aiunt, vix esse ullam nationem

sive urbium magnitudine, sive ædificiorum pulchritudine,  
sive victu, cultuque ciuili, sive flagranti artium studio cum  
Sinarum natione comparandam. In libris autem scribendis  
æneis formis, quæ non ita pridem apud nos in usu sunt, illi in  
finitis prope seculis utuntur. Tantumque ferunt apud illos  
tribui disciplinis, ut non sit ullo modo fas summum imperium  
committi, nisi illi qui se probauerit esse omni doctrina cum  
latum. Nec enim in mandatis honoribus, aut generis, aut  
fortunæ rationem habent, sed tantum discipline. Omnes  
igitur qui principatum expetunt, in artium studia incubent  
Vbi autem credunt se non pœnitendam progressionem feci  
ſſe, ad certos iudices huic muneri destinatos accedunt.  
Horum suffragio aut ut indocti repelluntur, aut ut docti  
certis honoris insignibus ornantur. Ex his deliguntur qui  
minores iurisdictiones administrent. Qui autem diutius in  
studio permanere, in maioribus disciplinis versari cupiunt  
vbi certum cursum absolverint, aliud iudicium longe graui  
us subeunt. Iudicantur enim a viris multo doctioribus. Is  
si satis fecerint, ad altiorem honoris gradum ascendunt.  
Sic etiam licet ijs qui ampliorem honoris spem sibi pro  
ponunt, plures annos in studio consumere, ordinatim alia  
atque alia doctorum hominum iudicia subire. Sunt enim  
plures ordines hominum de ingenio atque doctrina iudican  
tium. Pauci autem sunt qui per omnes doctrinæ gra  
dus ad amplissimum locum ascendant: cum multis præ  
stans vis naturæ, non paucos fortunæ deficiant. Hic tamen  
pauci summum imperium administrant, in summa rerum

## DE GLORIA

fastigio collocati. Hic Metellus, si verum est, inquit, quod  
asserit Plato, nempe eam Remp. beatam fore, quæ se philoso-  
phis regendam tradiderit, Sine beati putandi sunt, Essent  
quidem, inquam, si fuisset philosophia apud eos recte consti-  
tuta. Sed ut fama est, genus doctrinæ colunt multis errori-  
bus, atq; magicis superstitionibus implicatum. In hoc tamē  
admirandi sunt, quod eos imperio summo præficiant, quos  
esse iudicant doctrinæ laude præcellentes. Nam si tantum  
apud eos valet opinio sapientiæ, ut eius etiam inanem speciem  
summis honoribus afficiant, quid fecissent, si vidissent ali-  
quem veræ sapientiæ muneribus ornatum, & instructum?  
Illum profecto ut diuinum hominem, atque e cœlo delapsū  
cum ingenti admiratione suspicerent. Si igitur, ut eo redea-  
mus, vide sumus digressi, omnes sapientiæ opinione præ-  
stantes in summa laude, atq; dignitate uixerunt: si doctri-  
næ studium non solum apud Græcos, & Romanos, sed etiam  
in omnibus barbaris nationibus semper floruit, atque domina-  
rum est: satis constat, non disciplinæ studio gloriam immi-  
nu, sed potius amplificari. In eo autem quod ait graues, &  
sapientes homines minime esse de fama, atque existimatio-  
ne sollicitos, valde tibi assentior. Sed id non accidit, quia glo-  
riam despiciant, sed quod sapienter intelligat, fieri non posse  
ut gloria virtutem deserat. Nec enim Aristides cum plan-  
su vulgi contenebat gloriam contenebat sed temerariū illū po-  
puli mortuū breui interiecto spatio cōsidentē. Neque Fabius  
maximus, qui non ponebat rumores ante salutem, gloriam  
esperabat: sed leue, & inanē famā negligebat, ut paulo

post constanti omniū laude frueretur. Hoce est autem quod dici solet, gloriam fugientem sequi. Necesse est, ut qui altamente fontem gloriæ uidet, & ita vulgi leuitatem contemnens, ipsam virtutem unde laus omnis emanat, consecetur, in uera & constanti gloria vigeat. Et ita fit ut laudem spernendo, laude circunfluat. Qui sunt igitur anxij? Qui solliciti? Qui cum exanimiatione humili, atq; fracta omnes auras extimescunt? Illi qui errore hominum obrepunt ad dignitates. Neque enim ita sunt amentes, ut non intelligant quam infirma sint omnia, quæ fraude atque fallacijs innituntur. Ut enim qui in magna rerum omniū inopia se copiosū, & laetum existimari vult, magna solitudine cōturbatur anxie reformidans, ne domesticarum sordium fama in vulgus emanet, cum ea cura diuitem hominem ne attingat quidem: Ita necesse est virtutis, & sapientiae expertes, magna molestia torqueri, si cupiant gloriam adipisci, cum ij qui virtutis opibus abundant, sineulla eiusmodi cura etatem degant. Vident enim se se veræ gloriæ compotes aliquando futuros: ex quo efficitur nimiam in studio gloriæ solitudinem turpitudine vacare non posse.

Satis enim appareat non adesse uirtutem, quæ homines quietos, atque confidentes efficit.

EE

EE EE EE

EE

EE EE EE EE EE

## DE GLORIA

### DE GLORIA LIBER QVARTVS



Atis opinor esse demonstratum gloriam non ab errore vulgi pendere, sed lumine virtutis oriri: nec in populi delirantis inscitia, sed in exulta mentis acie sitam esse: Nec sequi multitu dinis inconstantiam, sed esse instabili atque firma sede collocatam. Naturae enim vi fieri ostendimus, ut omnes mortales virtutem, & sapientiam in cœlum fama, atque sermone tollant: Contra vero flagitia, & scelerata detestentur. Probauimus errorem vulgi, quo sæpe numero laudem tribuit indignis, esse non posse diuturnum: & ita fieri, ut qui maxime videntur gloriae studere, eam minime consequantur: & qui primo interdum aspectu gloriae expertes apparent, insigni laude cumulentur. Nunc igitur consequens est, ut breuiter explicemus, quantum fructum rebus humanis afferat illius studium. Ut autem hinc initium sumamus, cu multa diuinitus in humanis animis innata sint, nihil tamen habent utilius, quam ingenitum pudorem, & verecundiam. Est enim pudor vehemens quidam dedecoris, & ignominiae timor. Hunc autem timorem appellat Plato diuinum. Est enim custos omnium virtutum. primum enim huius verecundiæ lumen elucet in pueris, in ijs præsertim, qui clariore indole nati sunt, quos videmus non tam doloris metu, quam timore infamiae, & turpitudinis offensione commoueri. Hic igitur infamiae metus illos acuit, & in studio vigilantes efficit. Dum enim ab æqualibus vinci tur

pe, & ignominiosum putant, omnem laborem perferunt, & summam adhibet diligentiam, ut inter omnes excellant. Et ita fit, ut dum dedecus summo studio vitant, honestatem omni ratione consequentur. Postquam vero etate progressi magis vim ipsius naturae dispiciunt, quid est quod eos vehe mentius incitat in virtutis studium? Hoc enim timore impulsi quidam artium maximarum studia sequuntur: alij militarem disciplinam strenue colunt: alij ciuilia munera diligenter administrant: ali denique ali seiusmodi curis intenti sunt, ut omnem dedecoris suspicionem a se remoueant. Cum enim videant nihil effeminati animi langore fœdus: nullum liborem aut periculum dedecoris vitandi gratia recusant. Vides igitur quam utile si hoc insitum odium turpitudinis. Qui enim ita affecti sunt, ut dedecus exhorreant, non vmbra, & orio languescent: non luxuria, & mollitia diffluent non auaritiae sordibus inquinabuntur: non hostis aspectu perculti, & abiecti fugient, sed omnibus se periculis exponent, & omnem etatem in honestis actionibus consumet. Quod si illis ea detur optio, quæ, ut est in fabulis data fuit Achilli, velint ne otius pro patria dimicantes cum gloria mori, an vitam cum rerum omnium affluentia & sine ulla dignitate ad extremam senectutem perducere, non est dubium quin obscuræ vitae mortem claram anteponant: Hic etiā pudor senes a levitate, libidine, & inconstancia deterret, animo reputantes nihil esse temeraria, libidinosaque senectute flagitious. Ut igitur nihil est in vita tetrius impudentia, ex ea enim omnes effrenatae libidines existunt: ita nihil poterit ad

## DE GLORIA

virtutem colendam pudore vtilius inueniri. Pudor autem quid aliud est, quam vehemens motus animi dedecus repellens, & ad laudem & gloriam aspirantis? ex quo efficitur omne studium honestatis cupiditate gloriae contineri. Illud deinde quantum est? Nemo enim in prima etate vel labore excipere, vel voluptatem respuere, vel vitam negligere potest, si non sit laudis & gloriae suavitate delinitus. Cum enī a natura sic instituti simus, ut dolorem vitemus, & voluptatem asciscamus, euenit necessario ut magna pars hominū omne officium voluptate metiatur. Nec enim sapientes sumus, ut statim ipsius honestatis pulchritudinem cernere valamus. Præclare Plato beatum fore prædicat, cui vel in se neclitate contigerit sapientiam adipisci. Vnicam igitur præclaræ institutionis rationem esse censet eam, quæ in recto dolore, & in honesta voluptate consistit. Dolorem autē rectum eum esse statuit, qui ē turpitudinis infamia capi solet: Honestam vero voluptatem quam magnitudo laudis efficit. Præcipit igitur sic institui pueros, & adolescentes, ut ignorinia quam maxime doleant, & laude quam maxime delestantur, Hæc Platonis sententia sequenda est omnibus, qui suos in officio continere cupiunt. Alter enim frustra operam suam consument. Nemini enim in uitæ principio persuaseris ut voluptatem spernat: ut autem voluptati fluxæ, atque nefariae stabilem, & honestam ante ponat persuaseris. Nemo inducit animum, ut dolorem appetendum iudicet, ut autem breui, & exiguo dolore, ingeniem effugiat inducit. Possunt tamen bene informati animi facile uidere, quam inatis,

fluxa sit corpore percepta voluptas: & intelligere laudem honestis laboribus emptam, firmam & constantem voluptatem efficere. Turpi itaque voluptate libentissime carent, ex compensatione, ut ueræ laudis dulcedine perfruantur. Sic etiam illius doloris vitandi gratia, quem admissum dederunt, omniem dolorem libenter excipiunt. Quas enim vigilias, quos labores non perferunt, quos laudis suauitas ad disciplinarum studium inflamat? Quare ab ijs qui summam eruditioinem in omnib[us] literarum genere coequuntur sunt, an potuissent viri quam ad eum gradum aspirare, nisi fuissent a principio dulcedine laudis inuitati. Negabit aperte Jacobus Sadoletus vir omnibus literarum laudibus abundans & insigni eloquentia praeditus: Negabit Petrus Bembus quires Italas ut audio clarissimis ingenij monimentis illustrat Negabit Cottarinus vir omnia laude cumulatus: Negabunt denique reliqui eiusdem ordinis principes, qui sapientiae studia colunt quos non paucos esse suspicor: sed eos tantum nomine quorum aliquod opus extat. Hoc autem fatebuntur multi viri eruditione præstantissimi, quos esset infinitum recensere, sese hac laudis iucunditate delinitos omnes labores sustinuisse: Hoc idem tu de te ipse fateberis: & omnes denique in quibus idem ardor existit, Magnū est enim voluptatem aspernari, blandimenta naturæ respuere, uitæ cursum in labore corporis, & in animi contentione confidere. Laudis igitur illecebris opus fuit, quibus anima flagitiosa voluptate, ad honestam traducti neque dolorens ullum sentirent. Tanta

## DE GLORIA

enim est gloriæ dulcedo, ut illa semel capti quanvis sapientes non sint nullis inuidiae telis infringi, nullis fortuna & tormentis debilitari possint licet igitur omnes malorum tempestates sibi subeundas animaduertant, non tamen earum metu deterruntur, quo minus omnem operam, curam, & cogitationem in unam virtutem conferant. Credere mihi ferre tantæ contentionem animi non possent, nisi voluptate eximia laudis allecti fuissent. Multa sunt a nostris ( dicam enim audacius) tanto animo suscepta, atque perfecta, ut omnem pene antiquitatem obscurent. Ut enim alias præclaras contentiones omittam, illud certe facinus stupendum est, homines neque multitudine, neque opibus abundantes omnia maria transmisisse, Indiam, & suis & maximorum regum præsidüs opibusque vallatam aperuisse, & in suam potestatem sumam belli contentione redegisse. Quid enim ego referam ingentes classes hostium depresso, innumerabiles exercitus exiguæ manufusos: Persas & Arabas multis in locis superatos & ut nihil aliud dicam, regionem immenso spacio a Lusitania distantem, e Solimani hostis potentissim faucibus eruptam, & contra ingentem Turcarum, & thracum multitudo dinem defensam atque conseruatam? Haec quidem tanta sunt, ut impium facinus sit ea humanæ virtuti, & non potius auxilio Christi, qui nostris sepe præsentiam suam declarat, ascribere. Sed si est aliquid humanæ indoli tribuendum, quæ tamen ipsa in diuinis beneficijs numeranda est, nihil in nostris hominibus video, in quo tam multis genibus excellat præter eximiā landis cupiditatem. Si enim ad numerum

respicias, sunt paucissimi: si ad belli apparatus, aut rei militaris scientiam, nullo modo cum Turcarum opibus, & vnu comparandi: si ad aliorum auxilia, Turcis omnia i nullis terris pacata, nostris autem propter religionis dissensionem vehementer infesta sunt. Sed illud est, nostros veræ gloriae cupiditate incensos, neque vulnera, neque dolorem sentire, in gladios, & flamas irruere, omniaque vitæ pericula dignitatis gratia negligere. Hæc enim voluptas, quæ ex laude percipitur illos adigit, ut ad mortem ante oculos positam alacrisane, atque fidenti animo gradiantur. Ex quo facile constat, audis suavitatem, non modo, ut ait Cambyses apud Xenophontem, summorum hominum laborem leuiorem officere, sed etiam optabilem, atque iucundum. Si igitur præstantium hominum ingenia multis laboribus, & uigilijs luce aliquam rebus humanis attulere: si uiri fortes, & magna nimi ut patriæ consulerent, vitæ non pepererunt: si postremo aliqui etatem in clarissimis studijs consumentes sapientiam affecuti sunt: id certe est studio, & cupiditati veræ laudis assignandum. Ea enim primam etatem allicit, & in virtutis studium incendit, donec paulatim animos ad ipsam virtutem per se colendam, & amandam perducat. Neque solum primus animi cursus, & impetus ad laudem eos fructus affert, quos diximus, sed multo etiam maiores & ueriores effundit ipsa laus amplificata. Ex ea enim emulatio existit, quæ stimulis languentem animum excitat & ad certamen virtutis accedit. Ut autem nihil est inuidia pestilentijs, in eo enim pugnat ut non virtute propria, sed alienæ

Virtutis extincione principem locum obtineat: ita nihil emul-  
latione salutarius, nempe quae non alienum decus obscurando  
sed ad parem, aut maiorem laudem nitendo ad summam dig-  
nitatem aspirat. Quod enim ferunt de Themistocle quem  
gloria Miltiadis instigauit, ut omnem etatem in virtute  
consumeret, quod etiam multo antiquior fama de Theseo pro-  
dit, qui Herculem imitatus bellum contra monstra omnia  
suscepit, pacet latissime. Incredibile enim est quantam vim  
 habeat excellens virtus constanti omnium fama celebrata  
ad animos amore virtutis incitandos, & inflammados.  
Quis enim est, quem non clarorum hominum gloria vehe-  
menter afficiat? Quem a somno non suscitet? Cui stimulos  
non admoueat? Multos enim libidini deditos accepimus, qui  
summorum hominum claritate incitati repente ad studium  
honestatis exarserint: quod minime mirandum est. Quare  
nisi enim pars illa animi nostri, quae cœlestis habenda est, sit  
plerumque; virtus in terram depresso, & quasi demersa: tamen  
ubi primum aliquam honestatis speciem intuetur, ad memo-  
riam suæ naturæ reuocata, amore honestatis accenditur.  
Quare igitur potest, evanescere ut a virtus emergat, & qua-  
si renatis penitus, quas nefarie cupiditates inciderant in alcuna  
euoleat. Inde autem oritur illa præclara contentio inter vir-  
tutis amatores excitata, dum nemo alijs a quo animo cedit,  
sed singuli potius dant obnoxie operam, ut inter omnes excel-  
lant. Hoc autem certamine injecto, quis non uidet quanta  
sit futura bonorum affluentia? Illa enim ciuitas plane beata  
est, in qua non squalus figulus inuidet, ut ait Hesiodus, sed sa-

piens enī sapiente certat: iustus iustum emulatur: fortis  
cum forte virtutis præstantia contendit: modestus &  
continens in eo laborat, ut omnes magnitudine continentie  
vincat. Sic enim fit, ut dum singuli se ad virtutis certa-  
men acuunt, uniuersi tandem sint in virtutum omnium  
studio florentes. Ergo cum hac illustris, & honesta conuen-  
tio tantum utilitatis afferens amplitudinem laudis excitetur,  
quid tandem illa utilius in rebus humanis inueniri in potest  
Animum enim iacentem excitat, instruit, infiammat,  
omnium dolorum obliuiscifacit, & ab omni alia cogitatione  
ad magnorum hominum imitationem, atque singulare  
virtutis studium traducit. Gloriam tu igitur quem tam uti-  
lis, & fructuosa est, uituperare audeas? & eam sapientissi-  
mo cuique spretam, & misam esse contendes? Quomodo  
tandem? Aut qualis erit iste sapiens, cuius emne studium  
in virtute colenda positum esse debet, si uirtutis ipsius  
partum negliget, atque pronihilo putet? Poterit ne fieri,  
ut quod ab ipsis honestatis fonte ducitur, non sit ipsum ho-  
nestum, eaque de causa sapientibus expetendum? Aut pa-  
rum aperie demonstrauimus nullo modo gloriam aliunde  
quam ab honestate nasci? Nihil, inquis, esse magnum po-  
test, ijs qui cœli spatia immensa mente definiunt. Quasi  
sit quicquam intra cœli complexum uirtute magni-  
ficentius aut maius decus in sideribus ipsis, quam in  
pulchritudine mentis eluceat. Nam quod ais eam  
prudentiae repugnare, iam facile cerni potest, quam

id sit ab illius ornamenti alienum. Omnes enim virtutes gloria parientes prudentia gubernat: & ipsa per se munera amplissima, dignitatisque plenissima tueretur, & sustinet. Quemadmodum enim errare, labi, decipi, temere quicquam imprudenter administrare turpe & flagitosum uiderunt oportibus: ita qui nullis erroribus cæcata mente habent sed obscura cognoscunt, & futura præcipiunt, & quemadmodum incidentibus rebus uti conueniat, sapienter explicat amplitudine laudis antecellunt. Hæc est enim omnium mortaliū opinio, ut homines prudentia præstantes summo imperio dignos existimant. Inde fit, ut sèper numero multitudine quam præcipitem, & effrenatam esse dicis, imperiumque nefarie derectare n, prudenti homini libenter obtemperet. Intelligit enim omnium salutem illius autoritate, & iudicio corrineri, qui optime potest, quid omnibus uile futurum sit, ratione prouidere. Quod quidem in rebus singulis licet inspicere. Aegrotientium quantumvis morosi bonorum mediorum iussis parent: vectores etiam præstantium gubernatorum nutus omnes obseruant. Sic etiam militares incredibili alacritate ipsi imperatoribus obediunt, quos esse uident rei militaris scientia præcellentes. Hoc item in reliquis artibus, neque enim omnes percurrere necesse est, euuenire constat, tantum quemque authoritatis ad imperandum habere, quædam intelligentia suæ artis excellit. Quod in Reip. regendæ scientia maxime cernitur. Nemo enim adeo mente captus est, ut non intelligat eos saluos esse non posse, qui spectati hominius consilium aspernantur. Ergo ea virtus quam omnes

mortales plane regiam existimant, quo tandem modo fieri potest, ut gloriæ aduersetur? Sequenda est, inquis, vulgi temeritas, ijs qui publice laudari cupiunt. Sequenda quidem, si breuem & inanem laudem appetunt, quam summum statim dedecus, & infamia consequatur. Hoc autem vel eo exemplo, quod ab Homero sumpsisti de salutari consilio Polydamantis improbato intelligi potest. Nisi forte suspicaris, cum Hector ipse sese damnaret amentia, quod Polydamanti non auscultasset, & temeritatis infamiam morte delere statueret, clementiore in illum exercitum ab Achille cæsum fuisse, quam ipse in se fuerit. Inanissimo igitur plan su vnius noctis elatus, in eam ignominiam incidit, quæ erat morte tristissima, & acerbissimo patriæ funere luenda. Sed inquies Hectoris nomen esse multo quam Polydamantis illustrius. Quid ad rem? quasi Hector illum splendore nominis asscurus sit, temeritate & amentia, & non potius singulari magnitudine animi, qua pro patria dimicabat. Cum illum itaque multitudo Polydamanti præferebat, non temeritatem prudentiæ, sed virtutem eximiam mediocri consilio præferebat. Idem etiam de illa comparatione Hannoris, & Annibalis dicerem nisi viderem alterum grauitate & constantia omnium approbationem mouere: alterum perfidia & immanitate in legentium offensionem incurre re. Gloria autem, ut dictum est, non admiratione tantum sed quadam etiam animorum conciliacione comparatur. Cum igitur Hannon semper honestus & grauis, Annibal saepetur pessimus nobis occurrat, & in alterum quodammodo

ſ

## DE GLORIA

propensi simus alterius autem saeculam detestemur, non est probatum difficile Hannonem plus gloriae quam Annibalem fuisse consecutum. Illam autem partem orationis tuae, qua probare conatus es, gloriam esse contrariam iustitiae, sum valde admiratus. Quid enim quæso est aptius iustitia ad immortalitatem nominis comparandam? Nam si virtutis amplitudo commouet homines, nihil est illa magnificenter. Si decus honestatis amorem conciliat, nihil illa pulchrius: Si utilitatis magnitudo mortales in alicuius studium incendit, nihil est iustitia salutarius. Quod enim est officium siue ciuile, siue bellicum, siue priuatum, siue publicum, siue ad honestatis cultum, siue ad vitæ commoda pertineat, quod illius tutela vacet? nullum est studium quod ab illa se iunctum homines ad se allicere, & aliquam gloriae partem consequi posse. Ingenium enim perspicax & acutum, si absit iustitia, quo maius extiterit, eo magis erit omnibus suspectum & iniurium: Magnus autem animus iustitia vacans quo fuerit erectior, eo maiorem ex illo perniciem formidamus. At iustitiae vel soli confidimus, omniaque vitae præsidia in bonorum fide constituenda putamus. Gloria autem sine hominum fide & benevolentia intelligi nequit. Ex quo efficitur sine iustitia gloriam constare non posse. Non enim, quod non semel diximus, omnia quæcumque animos in solita magnitudine conturbant, in gloria ponenda sunt: sed ea tantum, quæ excellentis animi pulchritudine, & honestate continentur. Tamburlanus quidam Scytha fuit multis opibus abundans, & bellorum gerendorum peritissimus. Is e Scythie finibus

egressus multas Asiac nationes populatus est, & omnia qua-  
cumque impetum armorum tulit, ferro, flammaque vasta-  
uit. Tandem cum Turcarum imperatore congressus eum  
in p[re]alio cepit, & in cauea vinculis aureis constrictum inclu-  
sit. Hunc ferunt adeo truci immanique natura fuisse, ut  
nullius unquam lachrymis ad misericordiam adduci potue-  
rit. Morem autem hunc in obsidione ciuitatum solitum ser-  
uare constat. Primo die in castris candida tentoria collocari  
iubebat: significans eo tantum die spem clementiae obseßis  
ostendi. Sequenti vero die purpurea figi præcipiebat, ut  
intelligerent omnem aditum ad clementiam illius esse iam  
puberibus omnibus interclusum. Quod si deditio[n]is consili-  
um in tertium diem differrent, tunc atris tentorijs collocari  
omni sexui, & omni etati internacionem denunciabat. Cum  
autem aliquando urbem quæ sese dedere intra illud bidui  
spatiū recusarat, multis tormentis & machinis oppugnaret,  
obsessi salutem desperantes omnes pueros habitu lugubri  
deformatos instruunt, ut ad Tamburlanum supplices ac e-  
dant, & flebili clamore sublato misericordiam implorent.  
Hos ille pueros conspicatus turmam equitum obuiam mittit  
quæ eos omnes proterat, atque dilaniat, urbemque statim  
capit, & in omnem sexum ita crudelitatem suam ex promittit  
ut neminem superstitem patriæ relinquat. Hic quidem  
quauis ingentes opes habuerit, omniumque bellorum  
victor extiterit, nullam gloriam assequi potuit. Est enim  
gloria, ut sepe iam diximus, fama celebris honestatis, ex-

## DE GLORIA

cellentibus inhumanum genus meritis excitata benevolentia  
multorum concilians. Illum autem non magis quisquam  
aut laudare, aut amare poterat, quam procellam atque tem-  
pestatem turbido impetu omnia peruertentem. Sed quorsū  
Tamburlani fecimus mentionem? Ut Cum intellexerimus  
nullam naturam immanem & importunam quanuis sic  
reliquis in rebus admiranda, posse laudem adipisci, facilius  
intelligamus nihil sine iustitiae, & eius partibus, nempe fide  
benignitate, clementia, gloriosum, & laudandum reperiri.  
Præterea minime obscurum est, omnem nominis claritatē,  
& splendorem in diuini numinis imitatione consistere.  
Huc enim naturæ impetu trahimur omnes, qui laudem  
appetimus ut eisimiles efficiamur. At nulla virtus in Deo  
nobis clarior, & illustrior occurrit, ea qua generi hominum  
ope & gratia consulit, omniaque iustissimo imperio modera-  
tur. Ea nanque omne pia Venerationis studium, & castissi-  
mae religionis sanctitatem excitauit. Ea effecit, ut non mo-  
do sancti scriptores, sed etiam poëtæ Græci, atque Latini præ-  
potentem deum deorum, & hominum parentem appellaret  
Ergo cum hac una virtute, quæ posita est in humano gene-  
re tuendo maxime possimus distare ab immanitate bellua-  
rum, & diuinæ naturæ similitudinem attingere: quid tan-  
dem ad claritatem nominis illa fieri potest illustrius? Quā-  
tum vero uniuersum genus hominum iustitiam amaret,  
aperte declarauit, cum sese illis regendum tradidit, qui iusti-  
tia excellentes esse videbantur. Omnia siquidem regna &  
imperia singulari iustitiae, & æquitatis opinione constituta

sunt. Principio enim cum nondum esset homines certo iure  
deuincti, omnisq; vita mutuis esset iniuris, & cædibus in  
festa, y qui a posterioribus indigne premebantur, configie-  
bant ad aliquem iustitia, & fide præstantem, qui ab eis iniu-  
riam propulsaret. Hic autem aliorum quidem vim, &  
impetum reprimendo, aliorū vero miseriā subleuando, salu-  
ti omniū consulebat. Cum igitur animaduerteret vniuersus  
populus quam salutaris esset omnibus illa iuris æquabilitas,  
eum cuius iustitiam expertus fuerat in sāmo rerum impe-  
rio locabat. Ex egregia itaque iustitiæ fama regū maiestas  
orta est: Inde summa imperia nata sunt: inde postremo gloria  
imortalis eluxit. Nā usque eo proiecta fuit amore iustitiæ  
multitudo, ut eorum principum memoriā, quicum fide, &  
æquitate vixerant, summa religione consecraret. Unde colligi-  
tur hāc vna esse viam munitissimam ad regiæ dignitatis  
æplitudinē, & magnificantiam, quæ iustitia, probitate, &  
beneficentia continetur. Recte tu quidem inquit Metellus,  
contra tamen disputatione aliqui, conuenire principi, qui mag-  
na quedā spectat in loco fidē fallere. Alter enim negant  
eum suæ dignitati & amplitudini seruire posse. Scio, inqua  
multos esse in hac sententia, qua quidē nihil fingi potest amē-  
tius. Si enim principi hanc virtutem detraxeris, nō modo  
perfugia bonorum, præsidia innocentiū, firmamēta Reip.  
cōuelles, sed eum turpitudine insigni notatū reddes. Quid  
enim turpius principe astuto & fallaci, & vitæ consilia nō  
ad humanæ societatis fidem, sed ad utilitatē suā callide refe-  
rente? Quasi, inquiūt, putas nos eū magnum luminem

## DEGLORIA

appellare, qui societatem humanam, & nimiam in colenda  
fide religionem emolumentis suis anteponit, & non eum po-  
tius, qui omnia ad suam amplitudinem dirigit? Credibile  
quidem est authores tam sceleratæ sententiæ nulla precepta  
honestatis in magno principe fingendo complecti, sed istud  
amplum & magnum videamus quale tandem sit. Est ne  
aliquid in rerum natura, quod sine propria virtute mag-  
num esse possit? In viuersum enim viuscuiusque rei  
virtus appellatur id, quod eam perficit, & absolvit. Ad hunc  
modum canis virtutem esse dicimus celeritatem, & sag-  
citatem: equi velocitatem ad cursum, & in periculis adeun-  
dis alacritatem: hominis vero, ingenium acutum, & egregi-  
am ad omne genus honestatis indolem. Similiter etiam, in  
rebus, quæ non natura, sed arte & studio constant, eas vir-  
tutes appellamus, quibus earum rerum perfectio continetur  
Alia enim est uirtus pictoris, alia poëtæ, alia citharoedi.  
Nullum autem est artificium, siue ingenuum, siue sordidum  
quod sine propria virtute esse possit in suo genere cumulate  
perfectum. Artis autem regiae virtus aut iustitia est, aut  
nulla prorsus est. A principio enim hec reges creauit, &  
auxit, & ad summum fastigium dignitatis euexit. Nulla  
autem huius omnium præstantissime disciplinæ virtutem  
dicere, cum artes etiam infimas proprijs virtutibus excoli-  
videamus, hominis est dementis, & maximis in rebus turpi-  
ssime delirantis. Ergo cum nihil propria virtute, vacans  
magnitudinem suæ naturæ conuenientem assequi possit:  
consterque iustitiam esse virtutem maxime regiam, quo

tandē modo fieri poterit, ut princeps iniuria, atq; perfidiā re-  
giā magnitudinē cōsequatur? Poterit ne vir altus & mag-  
nus esse, qui clarus & honestus nō sit? aut honestus esse qui de-  
cūs & honestatē, pro qua viris magnanimis vita deserēda-  
est, utilitate posteriorem habet? Quae enim dignitas in eo  
poterit inesse, quem inquinauit avaritiæ turpitudo, quem  
deformauit perfidiæ scelus, quem effrænata dominandi libi-  
do à recta ratione detorsit? Eum certe non principem mo-  
do, sed ne hominem quidem appellari fas est: sed monstrum  
potius importunum, non ex equo & homine mixtum, qua-  
les poëtæ Centauros fuisse, fingunt: sed totum è leonis imma-  
nitate, & vulpeculæ fraude compositum. Non hic dispu-  
to quanto angore, solicitudine, tabe, cruciatu, afficiantur ij qui  
neminem possūt habere fideli benevolentia coniunctum, qua-  
les sunt omnes qui fidem sanctam non habent. Nō dico in  
quam fluxa, & incerta sede sint eorum opes locatæ, qui ad  
eas augendas malitia vtuntur: quā breui concidunt omnia  
imperia malis artibus comparata. Hoc dico quod ad nostrū  
institutum pertinet, nihil esse ad hominū existimationem  
turpius, nihil magis cūctis mortalibus inuisu. Omnes enim  
iustū imperii libetissime sequuntur, iniustū vero extinctū  
atq; deletum cupiunt, quod quidē vnius tātū ciuitatis exempla  
apertū faciet. Fuit in Romanis oī præclara quædā in doles  
ad iustitiā. Ex ea enim ciuitate prodij Camillus qui magi-  
strū inaudito scelere ciuitatem hostium prodentem noua  
pena affecit: & Faliscos quos belli magnitudine nō poterat,  
iustitiæ admiratione sub Romanum imperium sub

## DE GLORIA

junxit. Ex illius Reip. institutis extitit Fabricius, qui Regē potentissimum terrorem maximum Romanorum mōenibus inferentem, monuit ut a Veneno caueret. Eiusdem ciuitatis disciplina instructus Regulus ne fidem hosti datam falle ret, ad exquisitissimi supplicia subeunda Carthaginem profectus est. Quid hic memorem Coruncani, Catonis, & Emiliij continentia? Quid Africani, quid Quintij, quid aliorum principum mansuetudinē, & in seruandis victis aequitate? Bella vero nūquam ferme, nisi laceſſiti iniuria sumebant. Nec armillis ipsis, a quibus violati fuerant infrebant, nisi rebus frustra repetitis bellum arte denunciarēt atque solenni ritu indicerent. Imperatores autē earum ipsarum nationum, quas armis subegerant, patroni fiebant more maiorum, & earum cōmodis egregie corsulebant: usque adeo ut esset eorum victoria sanis hostibus interdum expetenda. Quā multis enim populis intestinis seditionibus agitatis malorum finem attulere? Quanta fide socios, & omnes denique, quos semel in fidem receperant, tutati sunt? quā diu igitur illa ciuitas floruit aequitate, fuitque omnium gentium communē perfugium, ita propagauit imperium, ut id prope modum ultimis terrae finib[us] terminaret. At postquam Romani ē sociorum bonis prædari, subditas gentes vexare provincias exinanire cœperunt: statim ciuitatis illius magnitudo dissipari cœpit, & magis magisque labi, donec omnino corrueret. Minime igitur probanda est illa Carneadis oratio, qua contra iustitiam in populi Romani concione differuit Noluit enim ea vir copiosus, & disertus sententiam suam

exponere, sed ingenium ostentare, & demonstrare nihil esse tam absurdum, quod non posset probabile dicendo fieri. Si enim verum fateri velimus, afferemus Romanum imperium fide auctum, atque diutissime conseruatum fuisse. Quod quidem Romanos impulit, ut fidem in capitolio prope Iouem summa religione consecrarent. Sapienter enim videbant, nihil quod fide & benevolentia fultum non esset diu permanere posse. Id autem cum a fide discedebant, multo facilius apparebat. Claducabat enim imperium, quoties eueniebat, ut illi in officio claudicarent, Quod si nullus honor, nullum imperium, nulla potentia, si non sit fidei constantia stabilita, aliquid stabilitatis habere potest, tamen erit quisquam tanto furore praeditus, qui perfidiam summis viris vtilem esse dicat? Non aliquando tandem animo reputabit, quam multi reges, & imperiosi populi propter iniurias illatas omnibus bonis euersi fuerint? Quācito magnas illas opes amiserint? Quantum semper odium doli, atque fraudes excitarint? Sed esto sit aliquis improbus, qui in magna amicorum inopia multorum animis grauiter offensis, possit opibus per iniuriā partis diu atque sine cura frui. Tamen erit quisquā animo magno praeditus, qui velit propter ullum vitae commodum omnia laude spoliari? qui diuicias ullas virtutis ornamenti anteponat? qui non dedecus vel cum summo vita periculo declinet? Quod autē dedecus tantū est, quod sit cum perfidae infamia conferendū? Qui excellente animo sunt neque extitum, neque mortem, neque dolorem metuunt: omnia quæ mortales intoleranda iudicant contemnunt: atque despiciunt

## DE GLORIA

Vnum tantum dedecus extimescunt: & libenter vitam abij-  
ciunt, ne splendorem honestatis amittant. Cum igitur in ini-  
quitate turpitudo tanta sit, qui laudis amore flagraverit,  
opus est, ut omni impetu in iustitiae studium incibat. Hanc  
tutamen vulgo sperni dicis. Ita enim ait euenire, Ut serui  
dominos, liberi parentes, uxores maritos pro nihil poterint, si  
videat eos innocentiam seruare, fideque proprijs emolumen-  
tis anteferre. Ita credo fieri posse ut quicquam alto animo sit  
ut eum pecunia non moueat, & constanter huic inani cupidi-  
tati, qua plerique inflammati in pernicie rapiuntur, obfistit,  
contemptui sit. Eum quidem, quanvis in principio multi ut  
negligentem hominem, & parum rebus augendis attentum  
despiciant, vniuersitatem paulo post admirabuntur. Sed  
paupertatem obscuram & ignobilem esse dicis. Est quidem  
si nullae sint animi diuitiae, quibus fortunae iniuria compescari  
possit. Nam si virtus adsit, tantum abest, ut paupertas splé-  
dori nominis officiat, ut id etiam longe clarius & illustrius  
reddat, Quid Epaminondæ gloriae nocuit rei familiaris ar-  
gustia? Nihil sane. Imo multo illam magnificenter illustra-  
uit. Non enim ignoravia, sed pecuniae contemptu pauper erat.  
Nihil autem videtur esse tam excelsi animi, quam pecunia  
contemnere. Idem etiam de Aristide, de Phocione, de multis  
alii dici potest: quorum gloriam paupertas non imminuit, sed  
amplificauit. Si enim gloria posita esset in inanissimo ludo  
rum apparatu, in sumptibus profusis, & immodicis, equibus  
nullus fructus ad publicam utilitatem redundat: si denique  
in muneribus illis, quae ad breue admodum tempus multitut-

dinem imperitam deliniunt, faterer equidem eam sine mag-  
nis diuitijs parari non posse. Cum autem sita sit in virtutis  
altitudine, & magnificantia, quæ non inani plausu statim  
morituro sed laude perpetua celebratur, quid tibi venit in  
mentem dicere pecuniae cupiditatem esse cum gloriæ cupidi-  
tate coniunctam? Quasi quicquam sit quod in maius odii  
multitudinis incurrat, quam auaritia, aut non facile possint  
animi maximi gloriam ullam consequi sine pecuniae mag-  
nitudine? fuisset hoc in loco facillimum coarguere eorum  
hominum amentiam, quos disputantes induxisti, neminem  
splendoris & gloriæ cupidum posse colere iustitiam & equi-  
tatem. Sed cum sint ita vehementes, atque violenti, ut nullo  
modo patientur, se illa iuris disceptatione vinci, iisque suis  
armis, & non oratione persequendum statuant, metuo ne  
disputatione irritati impetum suum in me conuertant. Vi-  
des enim quam pericolosum sit homines opibus elatos oratio-  
ne laceſſere. Verbanamq; rebus vlciscuntur. Quid igitur  
Inquit Augustinus ridens. Timore aliquo ductus tam illu-  
ſtrem causam, tantoque impetu a te suscep tam desereres? Mi-  
nime profecto conuenit homini gloriæ cupido, in ipſius gloriæ  
defensione, tam inſigne dedecus admittere. Nullo inquam  
modo, nec mœdi dignitatis obliuiscar, nec causam deseram,  
quam etiam si opus ita fuisset, vel cum periculo viræ defen-  
derem. Ratio tamen ineunda eſt, si commode fieri possit, ut  
in odium hominum potentium minime veniamus, & illis  
valde proſimus. Alio igitur sermonis genere minus conten-  
tioso, & magis nitido mihi vtendum censeo, ut facilius in

## DE GLORIA

eorum animos influat oratio. Exordire igitur, inquit Augustinus. Nos enim valde ad audiendum animis erecti sumus. Faciam inquam. Sed est necesse ut si mihi exciderint argumenta, quibus illos vti fecisti, me in eorum memoriam reducas. Hoc enim tantum memini, illos postquam sc̄ omnia ad gloriam dirigere professi sunt, disputauisse fieri non posse, ut sine magnis opibus ad principatum peruenirent. Deinde exemplis clarorum hominum, & institutis omnium Rerum. Hispaniae etiam monumentis ostendere conari sunt, omnem vitæ splendorem in pecunia consistere. Tum fieri posse negauerunt, ut sibi quisquam vel magnas opes pararet, vel in gentem pecuniam coaceruaret, nisi prius omnia iura perfringeret. Atque ita tandem concluserunt, esse indignum summorum hominum præstantia, legibus illis submitti. Omnia inquit Augustinus argumenta potissima complexus es. Nec aliud mihi in mentem venit, quod quidem ad rem facere putem. Principio igitur in qua videamus an hoc pacto me illis insinuare valeant. Sic igitur existimate, me cum illis loqui.

Non possum equidem viri clarissimi, non admirari præclaram istam indolem animi vestri, ad omnem decoris, atque dignitatis excellentiam. Quācumenim ex oratione vestra iudicare porui, sic laudis amore flagratis, ut opes, & facultates, atque postremo vitam ipsam gloriæ causa profundere minime dubitetis. Est igitur iam hic vester impetus ad laudem, non vulgaris laude decorandus. Quid enim quæ est in vita laude diuinus? Ea namque Deum veneramus, nec

Vllam uictimam numini diuino gratiorem aut magnificen-  
tiorem offerre possumus. Ea diuinos homines, & in omni  
genere virtutis excellentes afficimus: Nec ullum maius  
præmium quod recte factis proponi possit, habemus  
Eius postremo immortalitate breuitatem vitæ consolamur.  
Cælestis igitur natura animorum vestrorum, atque cogni-  
tio quæ vobis est cum mente diuina, facit ut ribus alijs negle-  
ctis, quæ vulgus hominum sitienter appetit, immortalcm  
gloriam atque diuinam ardenter expetatis. Sed interdum  
vereor multæ nanque insidiæ tendi solent hominibus ampli-  
ssimis, quales vos estis ne sermonibus improborum pateant  
aures vestræ, quibus in errorem inducti non veram sed ma-  
nem gloriam consectemini, cuius specie capti in sempiternu  
dedecus incidatis. Ne igitur id vobis accidat, ut perditorum  
hominum rumoribus, tanquam vétis aduersis iactari, lau-  
dis & gloriæ naufragium faciatis, singularem cautionem,  
atque diligentiam adhibendam censeo, & perinde atque gu-  
bernatores optimi, in maximis tempestatibus, vectorum con-  
silia non aspernantur: ita nullo modo conuenit, vobis in pro-  
fundo tantis procellis agitato nauigantibus, repudiare con-  
silia hominum dignitati vestræ studentium. Audite igitur  
viri nobilissimi ea quæ fortasse vos quanuis sitis ingenio ex-  
cellentia propter curas rerum maximarum, quibus estis im-  
pliciti, haud ita clare forestis intueri. Nec enim dubito fore  
modo recta consilia perditorum hominum sermonibus ante-  
ponatis, ut eam gloriam consequamini, quam nulla unquam  
vetustas possit obruere. Praeclare tu quidē inquit Metellus.

## DE GLORIA

exordium ē rhetorū officina sum p̄fisti, multis dicēdilumi  
nibus illustratum, & ad animos nobilitatis vniuersæ præpa  
randos satis appositum. Si igitur reliquum orationis cursu  
eadem qua cœpisti felicitate peregeris, homines insanos in  
sanitatem fortasse restitues. Omnia quidem inquam tenta  
bo, Nec ullum artificium mihi notum prætermitam. Tuta  
men si quid me hominem in dicendo pene rudem effugerit  
velim mihi præsto sis. Omnes namque persuadendirationes  
tibi notas esse oportet, nempe qui non Ciceronem modo, sed  
Quintilianum etiam diligentissime cognoueris. Magnum,  
inquit ille ridens, tibi aduocatum adhibes. Faciam igitur, si te  
opera mea indigere video, ut te consily tui in me ad hoc mu-  
nus diligendo minime pœniteat. Audi igitur inquam. Sic  
enim instituta oratione fortasse non incommodo contexi po-  
terit. Mihi quidem amplissimi viri hoc in primis spectandū  
videtur omnibus, qui gloriam amant, quam sedem, atque do-  
micilium habeat ipsa laudis elegantia. Nec enim conuenit  
rem adeo illustrem, nullum certum locum, in quo consistat  
habere, sed sineulla constantia vagari. Credibile autem non  
est, vos cum tanta magnitudine animi præediti sitis, aliquā  
leuem, & in rem laudis umbram intueri, quæ statim euā-  
nescat, & non potius eam nominis claritatem, quam omnes  
anu consequentes excipiatur. Cum igitur immortalitatis  
amore flagretis, reliquum est, ut laudis ipsius domicilium  
in ea parte constituatis, quæ in vobis immortalis, atque diui-  
na ducenda est. E corpore autem, cum sit et terra concretum  
eaque de causa mortale, & caducum, quid tandem existet

quod fixum, & stabile permanere possit? Si claritatem igitur eximiam, si laudem insignem, si gloriam sempiternam adipisci cupitis, animus ipse natura diuinus & immortalis, est vobis egregie colendus, omnibusque diuinis copijs locupletandus: Nihilque omnino prætermittendum, quod ad excellentem illius speciem & pulchritudinem pertinere videatur. Non enim e gemmis & auro, quo flagitosos homines, & impuras mulieres sæpe numero fulgere conspicimus, sed e diuino cultu animi laudes omnes existunt: inde omnis summa gloriæ splendor, & dignitas elucescit. Animi autem ornamenta, sunt virtutes eximiae, quibus humanae metes ornatæ similitudinem diuinæ mentis attingunt, & immortalitate nominis affequuntur. Contra vero vitia flagitiosa fœditate pulchritudinem animi corrumpunt, & mentis habitum ita deprauant, ut nihil turpius fingi possit. Primum igitur cauendum est omnibus, qui dignitatem suam tueri volunt, ne voluptatum blandicys illecti, cælesti illud animi decus inquietent. Nefariæ nanque voluptates præterquam quod sunt futiles, & inane, cum semel effluxerint, ingentem dolorem animis, & diuturnum dedecus impressum reliquunt. Contra vero labores honesti breui contentione perficiunt, ut animus eximia voluptate compleatur, & insigni gloria cumuletur. Ut igitur illustris laborum, atque dolorum patientia animū illustrat: ita laborū fuga omnibus illum ornatæ metis spoliat. Inde fit ut ne morte quidē, quæ plerisq; mor-

## DE GLORIA

talibus horribilis est, & maxime pertimescenda summis viris, & cupiditate laudis incensis liceat extimescere. Timoris enim turpitudo mentis altitudinem deprimit, & illius speciem obscurat. Videlicet enim quam foedum, & turpe sit abiectis armis ex acie fugere, metu trepidare, nihilque ut fortis & constans homine dignum est, sed omnia cum humili, & fracta animi demissione suscipere? Hoc certe uobis accidere posse non arbitror, ut mortem magis tetram, & horribilem existimetis, quam tanti dedecoris offensionem. Sic enim estis nati, sic exemplis domesticis instituti, ut dum ignominiam, & turpitudinem vitetis, mortem facile contemnatis. Si igitur tuendae dignitatis gratia sunt omnes voluptates nefariae repellenda, labores eximijs suscipiendi, dolores magni subendi, atque postremo mors etiam appetenda: tanta que est ipsius honestatis vis, ut omnes labores leues, atque tolerabiles efficiat, & occidentem vitam veræ laudis dulcedine consoletur, quid erit indignius, quam dignitatem ipsam sordibus auaritiae maculari? quid amentius quam excellētis animi statum, pro quo viris magnanimitis vita ponenda est, & acerbissimi cruciatus etiam preferendi, pecuniae causa pro lere, & amore diuitiarum terrestrium, & caducarum opes cœlestes, quæ magna ex parte in iustitia consistunt, amittere? Nihil est enim vel ad elegantiam pulchrius, vel ad studium multititudinis amabilius, vel ad claritatem nominis illustrius, qui humanam societatem tueri, propriæq; virilitatis in nemorem omnium incolumenti prospicere. Haec enim sunt illa diuina opera, quæ admirationem cunctis adferunt:

studia hominum excitant: immortalique laude vigent. Ut autem nihil est iustitia præstabilius, ita nihil iniuria tetrius nihil fœdius, nihil magis omnibus execrandum. Ergo qui pecuniam æquitati iuris anteponit, illustrem animi figuram, habitumque corrumpit: & dum legibus, quas recta ratio, atq; diuina sanxit, subdi ignominiosum putat, ipse sese dede cori, & ignominiae vilissimo præcio addicit. Animi itaq; splendore deleto, impuritateque suscepta, quæ tandem spes relinquipotest ullius laudis & gloriæ comparandæ, cum ex ornamentiis animi laudes omnes oriantur? Non adducar igitur ut credam vos aliquid ad famam sordidū, & vestris, rationibus & institutis alienum, pecuniæ causa suscipere. Quanvis deinde valde fortunas amplificetis, multi tamen erunt mercatores, qui vos diuitijs longe superent. Vestrum autem est non eas opes appetere quibus obscuri etiā homines affluunt, sed quæ vos in altissimo gradu constituant: neque in illis diuitijs dignitatem ponere, quibus abundantem licet esse turpissimum, sed per quæ omnia veræ dignitatis ornæta consequamini. Si vero pecuniam ut gloriæ instrumenum amandâ existimatis, reputate quam sit absurdum pecuniæ causa dignitate omni orbari, atque gloriam prorsus abdicere. Nec vos illorum hominum exemplis vici decet, qui flagitijs indignissimis facta egregia contaminauere. Quis enim est rā sine mēte, qui vel Marium, vel Syllam, vel Cæsarem, vel alios simili amētia furentes e nomine lauder, quop ut magnas opes haberent detrimenta quam plurima cōmiserib; rebus inuenient? Contra vero siquid ab illis sapienter

## DE GLORIA

¶ fortiter administratū est: siquid opere & studij in Rep  
contulere, id omnes laudibus efferēdum, atque prædicandum  
indicant. Non sunt igitur quidam homines imperiti, vestri  
dissimiles ullo modo ferendi, qui cum summorum hominum  
virtutes aſequi nequeant, eorum vitia conſtantur. Hoc  
enim perinde est, atque si quis excellentem formā illuuię &  
ſqualore ſedata m effingere volēs, cum pulchritudinem illā  
exprimere non poffit, illuuiem tantum, atq; fōrdes imite  
tur. Nec vos moueat illa descriptio facultatum in rebus pu  
blicis ab earum moderatoribus instituta. Non enim fuit mēs  
eorum, ut ſummos honores ad eos qui eſſent opulentiffimi  
deſerrent. Sed cum inteligerent illos qui ſumma rerum in  
opia premuntur, haud ita facile poſſe ſtudium Reipu. nauare  
& eas artes colere quibus patriæ maximis in rebus vſui eſſe  
poſſent homines propter necessarij vietū indigentia in ſimiſ  
artibus incubētes, nec i modicis oneribus, fatigādos, nec ſum  
miſ honoribus honestādos eſſe decreuerūt. Illū autē maxi  
mū in censu ſtatuerunt, qui ſatis eſſet ad vitam honeste  
& moderate degendam. Quod ſi quis in ſimae classis homo  
virtutem egregie coleret, & excellēte eindustria tenebris  
emergeret illi certe noluerunt eſſe aditū ad ſummos honores in  
terclusū. Tunc enim optime Reip. confuli putabant, cum vir  
tus & frugalitas inertī nobilitati eſſet antelata. Nam  
quod ad Hispaniæ principes attinet, quos olim dicitis  
diuites homines appellatos, haud facile dixerim, magis nepro  
per abundantiam pecuniae, an ob illustres animi opes hoc  
ſibi cognomen peperint. Illud affirmare poſſum, eorum no

men, qui virtutis opibus minime instructi fuerunt, aut obli-  
uione sepultum esse, aut (quod est longe grauius) sempiter  
na infamia notatum. Soli igitur omnium prædicatione cele-  
brantur, qui pro religione, & patriæ defensione opes, & fa-  
cultates neglexere, caputque suum in Vitæ discrimen intule-  
re, hostiumque impetum inuicta virtute repressere. Horum  
enim laudes ad citharam patro more cani: horū res gestas  
ornari: his mirificum ab vniuersis studium tribui videmus  
Si vos autem lauta, & preciosa supellex, si magnifici appa-  
ratus ita delectant, ut in illis decus Vitæ constituantur, veniat  
vobis in mentem quam sit indignum aliunde quam a vobis  
ipfis dignitatem exquirere. Etenim si vos aliqui propter  
alium vestrum æqualem honorarent, idque aperte ostende-  
rent, se se nullo numero vos habituros fuisse, nisi vidissent  
cum illo sociatos, quem obseruantia dignum censerent, id cer-  
te splendore vestro indignū putaretis. honoremque aliorum  
causa vobis oblatum aspernaremini. At quanto est indigni-  
us propter infimā seruorū cōditionē, aut propter opes fluxas  
& caducas obseruari? Perficite igitur viri nobilissimi, ut  
non facultatibus, non familie, non generis claritati, sed vobis  
ipfis, hoc est, animis vestris omnia laude cumulatis honores exi-  
mij deferantur. Ea enim tantum vestra ducite, & earum  
facultatum copia gloriāmini, quæ nec casus eripit, nec inui-  
dia labefactat, nec ætas vlla consumit. Quæ enim ad impe-  
ritæ multitudinis plausum auccupandum referuntur, ita  
sunt fluxa. & mania, ut intra breve tempus, & exiguum  
ea omnia leuisimus etiam quisque contemnat, & pronihilo.

yij

## DE GLORIA

habenda putet. Nec eos imitemini, qui corruptis hominum studijs se stabilem gloriam asequi posse confidunt, eaque de causa alijs eripiunt; quod alijs statim largiantur. Multo enī plures erunt iniustitia læsi quam beneficio deuincti. Deinde multitudinis odium iustissimis de causis excitatum, est multo vehementius, quam sit illa gratia paucorum, impurissima largitione collecta: & ita fit, ut qui malefici sunt in multis, ut esse possint in paucos benefici, fructum laudis exiguum. & inanem habeant, sceleris autem offensionem sempiternā. Repellite igitur omnia, quæ macula afferre possunt vestram dignitati, illaque studia colite, quæ sola gloria sunt existimanda. Non enim diuitijs abundare, nec tenuiores affligere nec in Rep. dominari, sed animi bonis affluere, universis charum esse. Reipu. salutarem existimari, est laudabile, glariorum, & sumis honoribus illustrandum. Est enim honor diuinum quoddam præmium virtuti, & honestati constitutum, omne turpitudinis consortium repellens: & ita fit ut qui animum flagitio, & turpitudine contaminatum gerunt nullo pacto honorem, sed inane fortasse nonen honoris adepti in summa ignominia versentur. Ergo cum rata dignitas sit in animo virtutis ornamenti exculto: cum tantum laudis ornamentum infide, iustitia, bonitate consistat: tameū erit quisquam, qui suadere audeat vobis hominibus ad decus & laudem natis ut tantum decus absciat? Ut præclaram istam indolem insigni scelere poliuatis? Ut animi præstabilitas eximio dedecore maculetis? Non istud genus hominum a vestrā familiaritate repelletis? Non tantam gloriae laborem ac

que perniciem in terras ultimas exterminabitis? Arcete amplissimi viri pestem: fœda cōsilia detestamini: sceleratos homines a contubernio vestro reycite, ne vestronomini grauem maculam sermonibus impurissimis inurant. Non enī illa dumus gloria floret, in quam iunumerabilis pecunia con gesta est: sed quæ multis abstinentiæ exemplis abundat. Nec qui opibus & potentia præstant: sed qui sunt virtute & dignitate principes splendide solent, atque magnifice laudari. Nec illi qui propriæ vitæ consulunt, sed qui cum propatriæ salute dimitunt, in gloria sunt. Non vos autem conturbet inopia nomen. Si enim fortunas Reip. causa neglexeritis pro fluxis, & interituris opibus æternis atque diuinis affluitis. Nec mortis ipsius aspectu terreamini. Si enim cum id à vobis patria flagitauerit, hanc breuem, & miseram vitam in summum discrimen adduxeritis, immortalitatem conse quemini. Si igitur ex aristis ad gloriæ cupiditatem: si vos à primis annis pulchritudo dignitatis allexit: si immortalitas studio flagratis, excellentem istam industriam in virtutis studio consumite: iustitiam atque pietatem colite: uniuersum genus hominum beneficis vestris obligeate. Sic enim eam honestatis amplitudinem consequemini, quam præstes admirantur: posteri memoria gratissima prosequantur: de cuius laude mortales omnes una mente, & voce consépliant. Haec tenus quidem me cum illis differuisse existimate. Libenter autem hoc dicendi genere vsus sum, ut hac quasi de clamatione meditatus atque paratus aliquando ad huiusmodi homines ab iniuria dehortandos accedam. Cupio enim eos

quouis artificio ab opinione levitatis ad veræ gloriae rationem traducere. Nihil quidem, inquit Metellus erit quod non isto tam eleganti orationis instrumento effici valeat. Sed unde quæso tibi tanta dicendi ornamenta suppetunt. Hanc enim antehac habui de te opinionem, ut existimarem te facile posse tractare materiam, in cuius commentatione multum ut soles, operæ & study consumeres. Ut autem ex tempore isto modo diceres, suspicari non poteram. Quod item in Augustino nostro mirabar. Quanvis enim nihil sit ulla politius, tamen tam splendidum orationis ornatum ab illo sine diligentiore meditatione non expectabam. Fortasse inquam ridens, habet hic locus aliquam vim diuinam, quæ differentium animos inciter: & nos ea quæ dicimus, non ingenio nostro, sed Musarum spiritu concitati dicimus. Ut autem poëtis multo felicius fluunt carmina, quæ non studio & meditatione, sed furore diuino proferuntur: ita mirum non est nostra non multum multis in locis a poeticis dissidentia uberioris Musarum quodam afflatus fundi, quam diuturna commixtatione contexi potuissent. Si hæc, inquit Aug. loci natura est huc nobis saepius venient dum censeo ut tam incunda Musarum consuetudine fruamur: illarumque numine completi his saltem se dibus herbidis & amœnis, inter has, ulmostam suis frondibus, quam adiunctis vitibus totum hunc locum opacætes disertisse possimus. Tibi igitur author sum, ut hac

tanta loci oportunitate admonitus, ea quæ restant alacrius  
persequare. Faciam inquam: Atque de iustitia quidem nō  
est quod amplius in præsentia differam. Cum enim verum  
decus sit in maxima virtute positum, quæ quidem il  
lustratur magnis in Rempub. meritis: constetque nihil  
esse iustitia magnificentius, aut hominum vitæ salutarius:  
quid est magis perspicuum, quam summum, & excellens  
decus iustitiae munere contineri. Maxime cum nulla  
animi, & ingenij indoles egregia a iustitia seiuicta po  
ssit aliquam habere dignitatem. Quæ enim iniusta  
sunt, quanvis sint ad mirabilia, sunt odiosa, & inui  
sa, perpetuaque flagrant infamia. Quod quidem in  
animi magnitudine facile cernitur. Recte tu quidem  
virtutem a temeritate, & audacia distinxisti, cum  
diceres, non omnem animi alacritatem in fortitudi  
nis rationem cadere, sed eam tantum, quæ rationis  
imperium sequitur, & pro iustitia, atque communi uti  
litate pugnat. Qui inim imetu cæco, & inconside  
rato concitatus manu cum hoste confligit, cum nullo  
modo fortem, sed temerarium, & immanem appella  
ri conuenit. Ille igitur tantum ut dixi fortis est, qui  
rationi parens nullum periculum pro salute communi  
recusat. Qui autem hoc animo est, egregia laude  
carere non poterit. Omnes enim mortales admirantur  
inuictum robur animi nemini cedentis, nulli labori  
succumbentis, nullis periculis officia relinquenter. Nec  
verum est inhumanum, & impudente audaciæ constanti

## DE GLORIA

multitudinis opinione laudari. Quis enim homines cede ne  
faria imbutos, sanguinèque perpetuo sitientes eo nomine lau-  
dandos putat, quod aliquod immane facimus intrepide fa-  
scipient? Contra vero quo maior est in illis ad scelus audacia  
eo magis illos omnes mortales oderunt, & execrantur, ma-  
la que peste dignos existimant. In eo autem quod ait, sumos  
principes iniustissima bella suscipiendo summa quadam glo-  
ria floruisse, parum mihi videris attendere, que sit huius  
verbi sententia. Gloria enim ut saepe dictum est, sine singula-  
ri hominum studio & benevolentia ne intelligi quidem potest  
Nemo enim pestilentiam, & vastitatem, nemo terremotum,  
eluvionem, incendium, & reliqua, quæ vi incredibili animos  
hominum perterrent gloriofa & quam putauit. Ea igitur  
tantum laudari, ea memoriæ mandari, ea immortali religio  
ne consecrari cernimus, quæ alia quadam mente, atque sin-  
gulari iustitiae & pietatis studio geruntur. Ut igitur nec  
naturæ prodigijs nec truculentis belluis gloria tribui potest:  
ita nec hominibus nihil omnino a belluarum immanitate di-  
stinguitur. Quis enim est tam sine mente, qui nomen eorum  
non oderit, quos accepti fuisse generi humano pestilentes?  
Ergo cum gloria magna ex parte in hominum charitate sita  
sit, eos quos omnes existimant luce indignos extitisse, qui  
bus etiam ad inferos perpetuum cruciatum exoptant, dices  
esse gloriam consecutos? Fuerint illi potentes, & admiran-  
di: horrificum bellum multis intulerint: innumerabiles na-  
tiones Martis vi perculerint, atque subegerint gloria certe  
ne tum quidem cum se florentes, atque beatos existimabat

affici potuerunt: & nunc mortui omnibus impuri, detestabiles, & execrandi videntur. Quod si leuissimus quisque eos admiratione perculsus extollat, non diu tamen in ea opinione permanebit. Illa enim breui tempore ratio, atque mediocris animaduersio penitus euelleret. Hic locus postulat, ut ordine tuo omisso nunc potissimum orationem illam refutemus, qua asseuerabas, eos qui in singulari certamine furenti mito parem suum obtruncant, insigni gloria cumulari. Eos enim ne minimam quidem gloriae partem attingere contendam. Non enim fortes, sed furiosi: non honesti, sed impuri: non illustres, & ampli: sed humiles & obscuri sunt existimandi. Grauiter tu quidem, & merito genus illud certaminis ut omnibus institutis, diuinis, & humanis infestum insectatus es. Quid enim habet turbulentum illud dissidiū insana in lacerendo comumelia, funestus ille teterimae contentionis exitus, quod non sit & omni scelere imbutum, & turpitudine insigni contaminatum. Eos tamen aīs in summa gloria versari. Quomodo tandem? Aut qualis est ista gloria? Concursus vndeque fit leuissimorum hominum, ut vi nos illos Martios inter se acriter, & animose sine illa graui causa certantes spectent. Tribuitur magna laus illis, qui vel hominem sanctissimo sibi religionis sedere sociatum iugulant: vel mortiferam plagam ut amentissime multitudini satissimacient interrito vulnu excipiunt. Sed velim mihi dieas cum olim gladiatores inspectante populo Romano defugiant, num existimes eos qui simili audacia paribus suis vntā eripiebant, simili laudis genere caruisse. Imo quo plures,

## DE GLORIA

Clariores spectatores habebat, eo maiore plausum excitatbat. Quid autem mirum est, hominum genus abiectissimum propter manem virtutis imaginem ea laude obtinuisse, quae bestias etiam dari solebat. Laudabatur enim feræ truces, et immanes, quæ multos homines in circulo laniabantur. Hac etiam æate in Hispania præsertim, cum in ludis publicis vndique spicula in tauros intorquetur, illi qui magnam hominum stragem edunt egregij tauri, atque non vulnus præcio digni reputantur. Sic igitur homines isti nobiles qui ametia precipites in exicium rruunt, ab imperita multitudine laude assequuntur, sed eam laude, quæ sit illis cum impnrißimis gladiatoriibus, cum leonibus, cum patheris, atque postremo cum tauris etiam communis. Num quispiam afferuit, aut feras illas, aut homines efferratos, quorum ludus erat humanum sanguinem fundere, in gloria suis? Minime quidem. Cur ita raddet? Quia gloria nullo modo consistit in leui, atque repetina multitudinis approbatione, quæ momento temporis evanescit. Vt igitur apud Romanos non Mirmillones, non Retiarij, non Thraces, non Hoplomachi, non denique totum hoc operarum genus, è disciplina lanistarum impurissimum, et inquinatissimum, quemuis audax esset in gloria uixit, sed imperatores, et optimates uirtute grauitate, et consilio patriæ conservantes: Ita nunc non inhumanum, ferum, barbarum facinus obeuentes in gloria viget sed viri constates et graues aplissimæ virtutis opibus Christianæ Rep. fulcieres. Nemo enim non videt istorum turpitudinem, qui vita venale habent: Qui sui, aut aduersarij cæde ametissime multitudini spectaculum praebent: Quis sunt furoris ipsius macipia, quileuissimis de causis gla-

diatorio generi mortis addicuntur. Videlicet igitur quod genus laudis vita emendū putent homines amētissimi. Id nēpe quod īpuris gladiatori bus, & bestiis ī manibus cōcedi potest. Deinde quā cito memoria facinoris illius extinguitur. postremo quāta sceleris infamia deformatū sit. Qui enī in certamine spiritū effūdunt, statim veniūt in obliuione: & ita excedūt ē vita ut ne pōpū quidē aut funeris & sepulturæ honore quē vulgus hominū plurimi facit, obtineat. victores autē quis post tridū in magnis viris habēdos putat? Nemo certe qui potius illosōnes ut pestiferū omen detestātur. Quē admodū igitur olim gladiatores quāuis victores a circo discederent, & pīcti veherētur in rheda eximio quodā plausū celebrati, nemo non infames, & detestabiles existimabat: Ita isti quos similis in conditione dissimili morū feritas, atque barbaria delectat, quāuis illo tēpore exīguo in quo maior est leuitati & amētiæ, quā rationi, & iudicio locus a leuissima illa turba aliquod genus laudis assequātur. Breuitamē omnū opinione in turpissimorū hominū numero reponūtur. Nec enī esse potest in scelere diuturna multitudinis approbatio. Ergo cū gloria posita sit in cōstāti prædicione hominū ingētia facta mirātiū, & eximiiū ornamentū dignitatis insigni amore cōpletētiū, illā tam inanē laudē rā temeraria, tam repentina, rā subito ex ḡni memoria discedētem atque postremo tanta sceleris īmanissimi cōtagione macula rā gloriā appellabis? Nullo modo mihi crede potest gloria in tam tetro & impio, rā ḡnibus testato, rā cunctis heminibus inuiso, facinore consistendi locum habere. Qui sunt igitur illi quorum virtutem omnes summi, infimi, mediocres

## DE GLORIA

admirantur: quorum magnificam speciem intuentes studio  
incenduntur: Qui non viui modo, sed multo etiam magis  
post mortem in ore omnium sunt? Illi nempe qui insignem  
patriæ charitatem incredibili robore, atque virtute commu-  
niunt: qui humana omnia quantumuis horribilia veri deco-  
ris tuendi causa despiciunt: qui vitam cum opus ita fuerit  
patriæ reddere minime recusant. Mirū enim est ut afficiā-  
tur omnes quoties audiunt aliquod facinus clarum, & me-  
morable pro salute omnium cum magno viræ periculo sus-  
ceptū. Tanta est enim huius virtutis admiratio, ut eos etiam  
qui multis ante seculis patriæ suum sanguinem largiti sunt  
amare compellamur. Codrus itaque hominum commemora-  
tione viget, qui se in medios hostes immisit, ut morte sua  
patriam conseruaret. Clarissimam Leonidis mortem pro sa-  
lute Greciæ appetitam miris laudibus exornant. Decy se se  
pro patria deuouentes legentium animos sibi virtutis admi-  
ratione deuiciunt. Huius generis exempla vel innumerabilia  
proferriri possunt, quibus intelligamus non audacie, sed virtu-  
ti laudem immortalē tribui. Neque patriam importuna  
cupiditate vexantes, sed eam cum viræ etiam periculo con-  
seruantes omnia sermone celebrari: Neque illis qui omnia  
domandi libidine peruertere, sed qui e suorum cervicibus  
hostium impetum insigni virtute depulere, diuinos honores  
haberi. Sed minime necesse est nobis hoc in loco diuitius im-  
morari, ad alii præsertim festinantibus. Restat ut aliquid  
etiam de temperantia laude dicamus. Est enim in hac virtu-  
te etorius honestatis decus, & lumen constitutum. Regit enī

Et continet omnes affectiones, unde appellatur temperantia quod insit in illa animorum temperatio quedam, et admirabilis ex vario et repugnante affectionum genere concensus: Græci appellant τωφροσύνην, quasi σώζοντα φέρειν. Conseruat enim maxime prudentiam, et considerata iudicia rationis salutari præsidio confirmat. Parum enim iunior recte sentire, si statim nos libidinis immanitas à recta sententia depellat. Hoc igitur efficit temperantia, ut ratio imperium facillime teneat: atque pro dignitate regium munus administret. Refrænat enim libidinem: voluptatem nefariam repellit: infinitis cupiditatibus obſtit: et omnes denuo motus animi temerarios, atque turbulentos coercet, et comprimit. Ex quo efficitur prudentiam, atque iustitiam modestie munere contineri. Tunc enim demum vel vera certe, vel recta, atque simplicia conſectari possumus, cum omnis libido comprimitur. <sup>Item</sup> Vero illa magni animi industria ad res altas, et arduas aspirans, si modestia vacat, virtutis nomine habere non potest, sed extremi furoris et ameticæ. Qui enim ita elato animo sunt, ut modum non teneant, a rationis imperio deficiunt, et impetu cæco ruunt, omnia quo cumque se conserunt euertentes. Cum autem præcipuum munus huius virtutis sit in omni officio modum et ordinem conseruare, id quod in qualibet re maxime deceat amplecti, necessario complexa est omnem pulchritudinis excellētiam. Ut enim in quiete, et amensia ducuntur, aut alii cui proterue nocent, aut molliter et effeminate se gerunt, dedecus insigne concipiunt: ita qui animo recte constituti

## DE GLORIA

sapiētiā & aequitatē colunt, & humana cuncta despiciunt  
omnia honestatis lege metentes, omnibus simul dignitatis opī  
bus excellunt. Ergo cum hæc virtus omne dignitatis ornamē  
tum in se contineat: & virtus ex se necessario gloria generet  
relinquitur omnem gloriam in tēperantia consistere. In ordine  
enim vitæ & cōstāria sita est honestas omnis, & in confusio  
ne turpitudo. Quid enī quæso Achillis iracundia, aut Aia  
cis furore turpius? Quorum alter luctu atq; lachrymis qua  
rum sibi ipse displiceret, ostēdit: alter dedecus impotētia ani  
mi cōceptū morte delere cōstituit. Quod si homines laudis  
auidi propter intēperatię recordationē se ipsi oderunt, quod  
rādē de illis populi vniuersi indicium fore suspicamur? Fieri  
ne potest ut multitudo sit in quēquā natura clemētior, quā  
est quisquā in se ipsum? Aut ut cernat aliquis acutius sua  
flagitia, quā vulgus ad alienū dedecus animo norādum sem  
per intētum? Quod autē ad Annibalē attinet, si talis eius  
natura fuit, qualis a Silio describitur, ecquē existimas, qui  
rātā illius īmanitatē non exhorruerit, atq; detestatus sit?  
Cum igitur odio hominū flagraret, ad gloriam peruenire non  
potuit. Non est ita inquis. Imo præcipiti & effrāna a mēte  
cā gloria est adeptus quā animi moderatione atq; rēperatię  
nisi quā assēqui potuisset. Pergis ne tu gloriam in hominum  
metu atque cōsternatione ponere, quæ tota est in animi dig  
nitate atq; beneficētia collocāda? Fuit ille quidē stupēdus,  
fateor: sed ita ut horrida & infesta pessissimā vir egregiæ  
dignitatis laudibus abundās. Quod etiā in Alcibiade perspi  
ci potest, qui cum egregiā indole in tēperantia contami narit,

ignominiae se piternae maculis est aspersus. Idē de Pausania, cuius etiā mentionē intulisti, & reliquis eodem morbo oppressis asserendum est. Nam quod ad Alexādrū attinet, quātū illius dignitati intēperatiæ dedecus offecerit, explicari non potest. Quā nāuis enim magnum nomē animi præstatiis altitudine, & multis cōtinētiæ exemplis adeptus fuerit, postquā se se immēsa luxuria, impiaq; multorum cēde cōmaculauit, extremā ignominia subiuit. Factum enim est, ut illius nō paulo ante hostibus etiā charū, esset repēte amicis prope önibus inuisum. In vniuersum autem, quos dixisti gloriae magnitudine in soletes & furioso extirisse, nūnquam ullum veræ laudis gustum habuere, Neq; solida gloria, sed iactatiōne, & leuitate a mētis statu deiecti sunt. Nō enī erat virtute vera, ē qua gloria önis emanat, stabiliti. Et ideo nec vētosa populi celebritatem, nec honores eximios ferre atq; sustinere villo modo potuerunt. Perīde enim atq; varua cymba nauis onerariæ velis & armis instructa vētum sustinere nō potest, sed leuissimo flatu iactata deprimitur: Ita isti cum virtutis ap̄plitudine & grauitate careat, honoribus eximis tāquā vētis vehemētibus obruūtur. Videte autē quā grauitate Plato öne vitæ dignitatē in animi moderatione ponat. Sic enim ait in quarto libro de legibus. Deus quidē o viri, vt ex antiquorum scriptis accepimus, omnium rerum initium, extremum, & medium numine suo complectens, ita recta per omnia pertinet, vt orbem natura conficiat. Illum autem sequitur iustitia, in eos qui a diuina lege deficiunt seuere vindicans. Porro autem qui vitæ beatæ compos

## DE GLORIA

futurus est, iusticiam amplexus humili ornatu subsequitur.  
Qui vero ductus insolentia, vel opibus, vel honoribus, vel forma corporis elatus, tum iuventa & ametia præceps ardente impetu animi concitatus cum tanta contumelia ut statua nullius se principis aut moderatoris ope indigere, sed esse potius ad alios regendos instructum, is a Deo deseritur. Desertus autem & alios iisdem opinionibus inflatos sibi socios adiungens, exultat, omnia perturbans. Et primum quidem apud multitudinem in viris magnis habetur, sed brevi dignas penas iustitiae pendens se ipsum, domum, Uniuersamque patriam funditus cuerit. Verba Platonis expressi, quibus vir ille summus omnem gloria rationem in iustitiae cultu, & in humilitate collocandam putat. Illius enim tantum firmas, & stabiles opes esse dicit, qui deum omnia prouidentem, atque moderantem intuetur, sibique nihil assumere omnibea beatæ vitae præsidia in ope cœlesti, diuinæque virtutis imitatione constituit. Superbi vero, & insolentes, suisque opibus nimium præfidentes, cum in deum non respiciant & ita diuinæ mentis lumine careant, in tenebris ruunt, omnia temere commiscentes atque perturbantes. Breui, itaque flatu manissimi rumoris elati cum insigni patriæ calamitate in sempiternum dedecus incurruunt. Unde colligit idem Plato esse Deum supplici animo venerandum, & omni studio sequendum, omnibus qui laudem, & dignitatem charam habent, Neque aliam esse censet ad viræ splendorem v. a. quam quæ diuinæ virtutis similitudine, & animi moderatione coniinetur. Sic enim ait eodem in loco. Quod nam erit igit

tur officium deo gratum, & cum illius natura congruens  
Vnum certe Vna prisorum hominum sententia contentum  
Aiunt enim simili simile, quod quidē est ratione dimēsum,  
gaudere. Quae enim modum non habent, neque secum inter  
se, neque cum ijs quae certa ratione & modo definita sunt  
ullo pacto conuenient. Deus autem nobis modus atque men-  
sura est multo quidem certior pecunia, & multo exactior  
quam mens humana. Isigitur qui in dei amicitiam ventu-  
rus est, oportet, ut quam maxime possit ad illius similitudi-  
nem accedat. Hac autem ratione efficitur modestum esse  
Deo carum. Est enim illi similis. Intemperans vero dissimi-  
lis, & ab illo dissidens, & iniustus. Haec Plato. Quibus ni-  
hil potuit dici præclarus. Primum enim similitudine supradicta  
& magnitudinibus communi dimensione parentibus, afferit  
incontinentes, proteruos, atque petulantes, neque bonis, neque  
sui similibus vlla ratione coniungi posse. Cum enim eorum  
infinita cupiditas nequeat ullo modo terminari, & idem  
omnes ardentissime cupiant, multo maior existit inter illos  
contentio, quam inter bonos & improbos excitari plerumq;  
solet. Tum illud quam sapienter dictum? Non pecuniam, qua  
multicom munem rerum omnium mensuram esse statuunt  
non mentem humanam, qua quidam omnia moderanda pu-  
rant, sed Deum ipsum esse modum, rationem, & regulam  
qua sint omnia Vitæ officia dirigenda. Ita autem sit, ut illi  
moderati sint, qui se ad dei voluntatem, tanquam ad exa-  
ctissimam Vitæ legem, & normam accommodant. Qui  
cum Dei similes sint (necessitate enim est ut sit illis eximia

## DE GLORIA

cum Deo similitudo, qui sua omnia diuina lege & ratione metiuntur) Dei sibi amorem conciliant, & illius opibus illustratur. Ut igitur omnes impuri, & intemperantes, cum deum a quo valde dissident infensem habeant, & honestis hominibus odiosi sint, & flagitiosis etiam vehementer iniusti luce omni dignitatis orbati concidunt: Ita mites, atque mansueti tranquille omnia, atq; moderate gerentes, cum in deum respiciant diuino quodā lumine collucēt, & bonis chari sunt & improbis admirandi: atque ita tandem diuino & humano iudicio immortalem claritatem assequuntur. Exquo efficiuntur omne gloriae lumen esse in temperantia positum. Non igitur impotentes, & iracundi: non superbi & insolentes: omniaque furore, & inaudita libidine perturbantes gloria florent, sed qui iracundiam cohibent, libidinem refrænant, animum temperant, & quanto magis excellunt opibus, tanto se submissius gerunt, & ordinem, atque modum in omni officio conservant. Hi constantes & graues homines, hi viri magni, erque plane Dei similes habentur, & omnium tādē cōsentiente laude celebrantur. Ergo ut iā huic parti finem imponamus, si illi tātū quos neque amentia vexat, neque nefaria habēti cupiditas injunxit, neq; formido cōcurrit, neque vis libidinis inflamat, in gloria sunt: sed qui sapiētia florent, & omniē curā, & cogitationē in publica salu: e defigunt, amissione magno sunt, & iniuncto, quem quidē lege diuina moderātur, relinquuntur plane onia egregiae cuiusdā laudis ornamenta esse necessario cū virtutū maximarū studiōcōscuta.) **V ARTI LIBRI FINIS**



V NCT ANDEM RELI  
quum est, ut videamus, quam vim  
habeant argumenta illa, quibus con-  
tendis gloriae studiu Christianis in-  
stitutis aduersari. Quāquam ea  
quæ hactenus adducta sunt, satis  
superque puto ad illa diluenda. Si  
enim cōstat nullā esse in temeritate, & amentia ad gloriam  
munitā viam, si laus omnis in eximiæ virtutis elegātia con-  
sistit, & òne studiu Christiani hominis excellēti virtuti di-  
candum est, quid clarius esse potest, quā gloriæ cupiditatem  
esse cum Christiana disciplina valde coniunctā? Qui fieri  
enim potest, ut quisquā singulari studio virtutē colat, vir-  
tutis autē ipsius decus, & ornamentū despiciat? Quod qui-  
dem si diuini homines indignū virtutis præstātia putassent  
nūquā splendore illius inuitādos existimaret eos quos omni  
virtute instructos, & ornatos volebat. Audi enim quibus  
verbis magnus ille Moses populū in amore pietatis allectet  
et inuitet. Sic enī ait. Hæc est vestra sapiētia, & intelligētia  
in gētiū luce, & celebritate cōstituta, ut audiētes vniuersi  
huius diuinæ legis instituta, dicāt. En populus sapiens, & in-  
telligēs, gens magna. Vides ne quali oratione vir ille sumus  
ostēdat gloriae esse diligendā? Nō mediocrē enim vim in eo  
argumēto sitā putat ad populū amore pietatis inflāmādum  
quod ipsa sit apud omnes miris laudibus efferēda. Idem  
que statim subiungit. Nō est vlla natiō tā illustris & ampla  
vt deos præsentes habeat, sc̄ut nos habemus dominum

## DE GLORIA

Deum nostrum præsentem, & nobis in votis, & precibus  
occurrentem. His verbis Moses non modo gloriam exornat  
sed illius fontem aperit. Deo enim carum esse illius mente  
gubernari, cœlesti præsidio communiri, est maxime lauda  
bile, & gloriosum, & omnium sermone celebrandum. Mul  
ta ex huius sanctissimi viri scriptis proferre possem, quibus  
clare videretis quantum semper omnes vera gloriae stimu  
lis ad studium virtutis incenderit. Sed ad diuum variis atque  
clarissimi regis carmina festinet oratio. David igitur, ut  
alios inter illius & Mosis tempora interiectos omittam, qua  
to studio gloriam tuetur? Quanta animi contentionе dede  
cus repellit? Quam indigne patitur eorum inuidiam, &  
immanitatem, quia laudes ipsius obscurare nituntur? Quo  
usque tandem, inquit, o viri gloriam meam deformatis? &  
alibi, Domine, inquit, si feci istud, (intelligebat autem falsum  
sibi crimen illatum) si manus meas scelere maculauit: Si do  
mesticis meis aliquid mali machinatus sum: & non potius  
ita me gessi, ut inimicos etiam meos à debita peste seduceret:  
hostis me persequatur, atque petat animam meam. Compre  
hendat, atque proterat uitam meam. Grauis sane impreca  
tio. Nihil enim videbatur fieri posse calamitosius, quam in  
hostium manus incidere, & sanguine suo crudelitatem illo  
rum satiare, nisi id ultimo loco addidisset, quod omni dirita  
te tetrius existimat. Adiungit enim, gloriam meam in  
fringat, & abiciat. Hæc oratio videtur ne tibi hominis lau  
dem contemnetis? an eam potius omnibus vita & commodis  
longe præferentis? Iam vero cum excitatur ad diuinæ maiæ

statis amplitudinem auguste atque sancte venerandā: cum illius erga se beneficia infinita commemorat, quid illo tam grandi carmine celebrat magnificenter, quam gloriam sibi à deo tributam? Pugnas itaque suas, victorias, atque triumphos extollit: omnia summa laudis ornamenta, quae fuit diuina benignitate consequutus, oratione complectitur, Neque tantum potētia aut imperij finibus, quantum claritate nominis incenditur ad dei laudes cœlesti quadam harmonia concinendas. Illius autem ultima verba, quae dixit cum iam mors appropinquaret, nōne aperite declarant quantum illino minis amplissimi studium extiterit? Nam neque nomen suum neque parentis reticuit: & cum maiestatem suam esset oratione complexus, musicum illud artificium quo tantum diuinæ mentis viribus excitatus excelluit, nullo modo silentio preteriuit, Huius sapientissimi viri sapientissimus filius Solomon quæ præmia proponit iuuentuti? Quibus muneribus adolescentes ad sapientiæ studium in principio operis inuitat? Non alijs certe, quam regiæ dignitatis insignibus, quibus excoluntur omnes animi, qui diuinæ legi parent. Ait etiam in eodem libro iustitiæ memoriam esse iucundā atque sempiternam: impiorum autem nomen quasi putredine exesum, atque confectum evanescere: claramque famam esse omnibus opibus, & facultatibus anteponendam. Alibi vero cum rerum humanarum imbecilitatem, huiusque miseræ vitæ solitudines, & angores esset elegantissime persecutus, omniaque tandem humana, ut levia & mania conteneret, unam gloriam excipit, & quasi mente incitatus ex-

## DE GLORIA

clamat, illius suavitatem vnguentis suauissimis, & odori  
bus esse præferendam. Multa possem ex huius summi regis  
scriptis memoriter pronunciare, quibus ea confirmetur opi  
nio, gloriam nempe esse prijs hominibus expetendam. Sed par  
est ut rationibus etiam pugnemus. Atque primum illud  
afferamus, obscuritatem ignobilitatem, ignominiam, & de  
decus esse diuinæ vindictæ supplicium conseleratis homini  
bus irrogatum. Legimus enim eorum nomen qui diuinam  
religionem impie, atque nefarie violauerunt, fuisse ex homi  
num memoria penitus evulsum. Apud Mosem vero Deus  
ipse prædictit imprys fore, nisi resipiscant, ut eorum nomen  
obliuione sempiterna conteratur. Alibi autem, id que multis  
in locis, minitatur infamia omnibus, qui legem neglexerint  
atque sacra polluerint. Ieremias autem ita sub Dei persona  
in Iudeos iuuehitur. Euellam, inquit, vos, & ciuitatem istam  
excindam: tradamque vos grauissimis ignominiae maculis  
inustos hominum memoriæ sempiternæ. Ex his, & alijs lo  
cis infinitis quos causa breuitatis omitto apertum atque per  
spicuum est, ignominia esse supplicium, hominum impietati  
& sceleri diuino numine constitutum. Quare minime mi  
randum est, viros interdum sanctissimos infamia quodam  
modo frangi atque debilitari: & qui contra omnia fortune  
tormenta egregie muniti sunt, ignominiae tempestate saepe  
conuelli. Quod in Iobo, Davide, Neemia, & alijs viris san  
ctissimis, & fortissimis cerni potest, qui cum reliqua omnia  
inuicta virtute sustinerent, indigne ferebant ignominiam.  
Quod si tantum malum est in sepulti nominis obliuione, in

dedecore, & infamia, ut in ea saepenumero videatur ultio diuina consistere, consequens est, ut laus, & gloria sit in diuinis muniberibus habenda. Et si viri pietate praestantes non sine causa interdu vituperatione, & conuicio perturbantur, par est ut laude & prædicatione delectentur. Quod autem gloria sit diuinum beneficium Moses imprimis ostendit. Hoc enim Israeli denuntiat: Futurum nepe, si diuini institutis obedierit, ut sit a Deo locatus in summa gloria, & cunctis gentibus honore atque latus. De Iesu vero illius successore scriptum est, Dei munere fuisse nomine illius per omnes terras cum summa omnium admiratione per uagatur. Apud Samuel inquit Deus, eum qui meco luerit honestabo: qui autem me contenterit erunt concepti. Non igitur immerito David multis in locis asserit, illa omnium gloria qua mirifice redundabat, esse diuina beneficeriae regere dare. Illi itaque perenne gloria fonte carmine perpetuo celebrat Illi summum auctiorum decoris, & dignitatis intuetur: in illius cultura claritate omnem positam esse docet. Ex quo apparet gloriam esse coeleste quoddam munus apud animos pios collocatum: Ergo cum nominis atque famae celebritas sit in diuini bonis numeranda sapientem appetitabis eum qui illam aspernatur: qui lucem ipsam fugit: qui beneficium diuinum repudiat: Christus, inquis, præcipit ut a gloria tanquam a re pestilente atque pernicio sa fugiamus. Quasi vero Moses, David, & reliqui, quorum testimonijus uetus sum, non ea que protulere spiritu illius afflati protulerint. Erat enim iam illis reportibus Christianum eorum animis inclusum. Sed de illi institutis postea videbimus. Nec vero libenter ex te audierim, nam Christus a celis in terras

## DE GLORIA

de lapsus est, ut naturā, quam ipse fixit exerteret. Imo vero ut eam iacentem erigeret, atque cœlesti præsidio confirmaret. Gloriæ autem appetitum esse in animi natura insitum abunde demonstratum est. Necesse est igitur ut animus tunc ardenter laudem appetat, cum fuerit morbis, qui illum impediunt omnino liberatus. Tunc enim incorruptus, atque sui similis permanens, vim atque naturam suam clarius ostendet. Ergo cum Christus omnes morbos quibus erat oppressum genus hominum a suis omnino depulerit, consequens est, ut illi qui Christi ope ex illis malis, quæ naturam humaram deprimabant, emersere, ad veram gloriam aspirarent, atque tanto ardenter gloriam expetant, quā reliqui mortales quanto maior ardor honestatis in illis existit. Deinde quid impudentia tetrius? Quid hominum vita pernicioſius? Quid christianæ religionis castitati magis infestum. Nequam enim hominem, & improbum poteris aliquando forfasse ignominiae metu a flagitio reuocare. At qui pudorem omnem amisit, nihil sibi reliquum fecit, ad effrenatam libidinem aliqua ex parte cohibendam. Quo circa non immerito viri sanctissimi hoc impudentiae nomine omnem morum immanitatem complectuntur. Quale est illud Isaiae Scelus instar Sodome præse tulerunt, nec occultauerunt. Item ilud Ieremie. Frontem perficisti, meretricis impudentiam suscepisti. Quod si nihil existimatur apud nos impurius in uerecundæ frontis audacia, nihil erit moribus, & institutis Christianis aptius, quam pudor & verecundia. Pudor autem nihil aliud est, quam vehemens motus animi dedecus fugien-

etis laudemque maxime consequentis. Ex quo efficitur, christiani hominis esse, decus & laudem intueri. Præterea cum hominibus christianis omnis opera in eximio virtutis cultu ponenda sit, qui possunt id negligere, cuius ope vident omnem contentiōrem in virtutis studio suscepit facillime sustineri? Quantam enim vim habeat laudis suavitatis ad pericula negligenda, voluptates nefarias repellendas, labores ingētes subeundos, satis fuit antea demonstratum. Id autem impulit Paulum diuinum hominem, ut tam saepe eos, quos ad virtutis altitudinem instruit, laudis suavitate deliniret. Romano rum enim pietati atque religioni gratulans inquit, eorum famam iam fines orbis terrarum peragrasse. Ad Philippes vero scribens eos ait instar syderum lumen suum longe lange diffundere. Corinthios autem sanctissima templa, atq; delubra diuini spiritus appellat. Omnes denique ad quos scribit, laudibus inuitat ad pietatis certamen alacrius in eundum Petrus item quam magnifice exornat eos, quos ad summum gradum virtutis adhortatur. Vos, inquit, estis genus electum, regium, sacro sanctum, & ab omnitem contagione secretum & liberum. Sed quid horum cœlestium hominum testimonij usum inquit, cum ipsum cœli dominum auctorem habeamus? Discipulos enim suos coram laudans, eos mundi lucem appellat: & ut ciuitas in edito loco, & excelsa sita occultari nequit: Ita illorum excellentem virtutem cœlari & occultari non posse confirmat. His igitur laudibus eos vehementius allicit ad onnes tempestates, atque procellas invicto animo subeundas. Ergo si tantum virtutis instru-

## DEGLORIA

mentum est in laudis suauitate positum, ut ea sibi viri cælesti quadam atque diuina virtute prædicti, utendū esse duxerint ad animos hominum amore pietatis vehementius incitādos: si Christus ipse suorum metes ad summum virtutis studiū magnificentia laudis inflammat, possumus ne dubitare quin laus egregia sit diuinum quoddam imbecillitatibus humanae subsidium, ad omnes labores animo maximo perferendos valde necessarium? Iam illud quātum est? Omne videlicet christianorum studium, omnem operam, industriam, curam, cogitationem, omnem denique mentem esse ad cōmunem salutem generis humani conferendam. Quid autē magis homines inueniunt, quam egregiae famae celebritas, & amplitudo, haud quaquam reperies. Est quidem liberalitas, & beneficentia satis utilis, sed ea utilitas ad multos permanare non potest. Vnius viri iustitia, vnius ciuitatis opes contineri fortasse aliquando poterunt, que tamen illo extincto corruerint. Sic etiam fortitudo ciuis vnius ciuibus tantum suis erit aliquo tempore salutaris, non tamen alijs nec suis quidem se per. hoc etiam modo sapientiae, continentiae, aliarumque virtutum omnium fructus est angustis finibus, & ex quo vi & spatio circumscriptus. At fama iustitiae, fortitudinis, liberalitatis & continentiae, & omnium denique virtutum nō paucis sed omnibus, non modo suis, sed etiam exteris, non vñatā tum etare, sed in multa secula, atque prope infinita consulit. Nec enim tantum valet ad præsentes ampla dignitatis species co[n]mendos: sed ad omnem posteritatem exemplo virtutis inlambandam. Ante credis fieri potuisse in tanta

scelerum omnium colluione, crescete, subinde luxuria, vitiorum  
que multitudine metes humanas obruente, ut aliquod virtutis & industriae vestigium in hominum vita resideret, nisi quo  
rundam animi virtutis egregiae monimentis excitatis se ad vir  
tutis studium applicuissent? Laus, laus inquam, & gloria ho  
minum dignitate florentium omnium prædicatione celebrata, &  
monimentis annaliis consecrata larguentes animos exuscitat,  
& amore dignitatis incedit, atque facit tandem, ut omnia hu  
mana quantu[m] aspera & difficilia contemnatur, & honesta  
tē in maximis laboribus, & periculis acris studio consecetur.  
Ea autē de causas sancti scriptores, non modo nobis sanctorū  
hominum ex pressas imagines reliquerunt, sed etiā nos ad eos  
intuēdos et imitandos omnibus modis adhortatisūt. Illos itaq;  
qui pietatem vnicore coluere diuinis titulis, & ornamētis illu  
strant: Nos autem acerrimis interdum verbis insectantur,  
quod vitæ nostræ consilia excellentium hominum cogitatio  
ne minime conformemus. Quod certe non fecissent, nisi pla  
ne iudicassent nihil ad uitia ex animis extirpanda, virtutes  
que serendas, hominumque vitam honestatis opibus excolen  
dā utilius inueniri posse, quā clarorū hominum maxime cla  
rā, & nobilitatē virtutē. Etenim ut nulla maior pestis atq;  
pernicies rebus humanis inferri potest, ea quae nascitur ex ali  
quo inauditi sceleris exemplo: itanihil est ad homines in offi  
cio continendos utilius, nihil ad communis vitæ cultum salu  
tarius, quā virtutis eximiae monimentū. Quod si præstatiū  
hominum memoria iisdem regionibus, quibus vitæ spa  
cium circucriptum est, terminata fuisset: eorumq; res gestas

Aay

## DE GLORIA

idem tumulus qui eorum corpora contegit, obruisset, quem tandem fructum ab illis caperemus? Nunc vero dici non potest quam nos iuuet illorum gloria eternis monumentis celebrata. Cum igitur constet tantum fructum afferre hominibus nominis claritatem, ut sine illa parum sit utilitatis in virtute: Christianique hominis officium sit, vitam etiam si opus ita fuerit, pro omnium salute profundere, quid minus Christiano conuenit quam gloriā repudiare? Evidē cū qui gloriam omnibus modis aspernatur, atq; respuit, non ī pudore modo atq; naturae communis ignorā, ut quida homines sapientes: nec angusti atq; parui animi ut plerique: sed etiam inhumanis atque ferū appellabo. Tu cū officium tuū sit omnī utilitati consulere: ijsque legibus astrictus sis, ut quantum possis uniuersum genus humanum tueri debeas, id negligas atque despicias, quo nihil potest hominum vita & salutarius inueniri? Si te non pulchritudo laudis allicit, utilitas certe communis te ad eam amandam incitare debuisset. Nunc vero cum nobilitate omnino respuis, aut non intelligis quantum fructum rebus humanis afferat hominum præstantium fama, aut intelligis quidem, sed id ad te pertinere non putas. Si non intelligis, fatuus & amens: si cum intelligas, id minime curandum putas, inhumanus & ferus es existimādus. Quātum enim in te est, non modo dignitatis tuae lumen, sed hominum salute repudias. Illud postremo tantum est, ut nemo possit sine granī crimine laudem abijcere. Summum enim & extrellum omnium bonorum, quo sunt omnia studia, officia, consilia vita referenda: ad quod omnes cura, cogitationes

tiones, & omnes denique rationes honoris, laudis, & digni-  
tatis dirigendæ sunt, est ille sumus omnium rerū sator, atq;  
moderator, a quo animū hausimus, & tantis, tāq; diuinis  
beneficijs affecti sumus. Si igitur ingrati animi crimen &  
scelus exhorremus: si beatæ vitæ compotes fieri ardēter op-  
tamus nihil tanta cura, & studio moliri debemus, quam vt  
Dei nōmē ample, magnificeque apud omnes nationes illustre-  
tur. Quid autem magis Dei gloriam illustret, quā christia-  
ni hominis dignitas, non facile reperies. Talem enim gentes  
a nostris institutis abhorrentes opinionem de Christi numine  
concipiunt, quales sunt ij mores, quibus christianam, numini  
que diuino consecratam nationem præditam esse cōspiciunt.  
Inde fit, vt nihil magis dedecoret apud homines summi dei  
nomen, quā turpitudinis infamia a christianis impie conce-  
pta. Ut igitur christianorum flagitia quodammodo in dei  
contumeliam redundant: Ita nihil clarius illius bonitatem  
in omnium conspectu constituit, quam christianani hominis  
decus excellēs. Multo enim clarius dei nōmē in animis pietæ  
et, atque virtute florentibus elucet, quam in hac vniuersæ  
naturæ fabrica, quam oculis intuemur. In naturæ enim ope-  
ribus opificium sumi conditoris, ornatum atque pulchritudi-  
nem mundi, quasi regiarum ædium elegantiam & magni-  
ficentiam aspicimus: In animis autem omnium virtutum  
ornamentis, quasi gemmis & auro fulgentibus effigiem  
diuinae mentis admirantes obstupescimus. Ea autē de causa  
Petrus Christianos literis adhortatur, vt sic inter gentes  
vitam instituant, vt omnibus admirationem commoueant

## DE GLORIA

Sic enim, inquit, fiet ut qui modo vos quasi maleficos inse  
statur, opera vestra bona respicientes Deo gloriam tribuat  
Paulus vero quam multis in locis admonet, ne ullum impiis  
sermonem demus: ut omnem maledicendi materiam ampu  
temus: ut decoris & honestatis coram omnibus hominibus  
studiosi simus. Sic enim ait futurum, ut illustri dignitatis  
exemplo multi virtutis studio incendantur, & diuina vir  
tus debit is laudibus efferatur. Eaque sibi causam afferit,  
quod tanto studio, munera sui functionem clarissime virtu  
tis operibus illustret, ut gente suam emulatione incendat, at  
que ita tandem aliquos, ex Hebreis ad verum Dei cultum tra  
ducat. Porro autem, cum docet Timotheum, quale sacerdo  
tem deligi conuenit adjicit in fine, oportere ut non solum a  
piis, sed ab impiis etiam & alienis, detur illi honestatis & in  
nocentiae testimonium, qui pontifex creandus est. Idem ad  
Corinthios scribens inquit se mortem facilius passurum, qua  
ullam gloriae suae imminutionem. O diuinum hominem, at  
que verae gloriae cupiditate flagrantem: Nempe qui illius  
tuendae gratia neque mortem, neque cruciatum ullum recu  
set. Videbat enim nihil esse in rebus humanis neque ad salu  
tem generis humani fructuosius, neque ad Dei virtutem  
predicandam illustrius, quam piorum hominum claritatē.  
Ergo cum nihil clarius in omni natura Dei laudem &  
gloriam ostendat hominibus, quam, illustris piorum homi  
num laus, & omnis animorum contentio ad diuinam gloria  
referenda sit: qui possumus gloriam sine graui, tetro, &  
impi crimine repudiare? Inquis tamen Christi præcepta

gloriam tollere. In anem quidem gloriam, quæ vel ex inani  
plausu populic aduca, & fragilia laudantis, vel è simulatione  
virtutis existit: non illam quæ ex Vera virtute nascitur:  
Nec eorum studium damnat, qui gloriæ seruiunt, sed qui  
errore hominum ad eam se peruenturos esse confidunt: &  
ita quod erat diuino beneficio tribuendum, in amentia popula  
ri collocandum putant: Quia quidem nulla capitalior pestis  
esse potest. Mensem enim omni luce spoliat, & a rebus diuini  
nis abstractam in terrā ita deprimit, ut nullo modo possit  
verum animi decus intueri. Hoc est autem quod Christus  
ipse perditissimis hominibus dicebat, quomodo potestis crede  
re qui gloriam ab hominibus accipitis & gloriam, quæ à so  
lo Deo est non, queritis? nihil enim quod mentem magis  
impedit quo minus, cœlestis disciplina lucem accipiat quam  
illius gloriæ cupiditas quæ errore hominū comparatur. Ita  
igitur fit ut qui terrenis rebus addicetus inanē laudem ar  
denter appetit cum Vera virtute careat, nunquam ad Verā  
gloriā aspiret, quā solus deus solum pietatis cultoribus elar  
gitur. Verum enim decus quod est non in inani hominum opi  
nione sed in virtute positum ut antea disputauimus dei mu  
nus atque beneficium est: diuina autem beneficia non repudi  
anda sed gratissimis animis accipiēda sunt. Imo inquiunt  
laus etiam Vera fugienda est. Id enim Christus præci  
pit, ut præclara munera obeuntes oculos hominum vitimus  
Quando id? Aut quomodo? Nec enim id præclarum dici  
debet, quod in inani specie uirtutis inest. Qui autem extre  
mum Vitæ finem in humana laude constituant, nō virtutē

## DE GLORIA

colant, sed virtutem simulando, scelus immane concipiunt. Dirum enim est impium est, execrandum est, non dico in humanas opes sed ne in gloriam quidem, aut virtutem ipsam, e qua gloria omnis existit, ut in summum bonum respicere. Deus enim deus solus est illud ultimum omnium bonorum quo sunt omnia virtus consilia dirigenda. Qui igitur gloriam ut ultimum bonum respicit, fructum omnem virtutis amittit. Nulla enim virtus esse potest, nisi ad Deum virtutis ipsius authorem referatur. Extincta autem virtute, extinguit gloriā necesse est. Ita sit, ut nulla vera gloriæ ratio constare possit, nisi illis, qui semper in deum respiciunt, & omnē celebritatem ad diuini nominis amplitudinem dirigendam existimat. Qui igitur opus aliquod specie honestum ita molitur, ut in humanam laudem, quasi in ultimum actionis finem respiciat, nihil amplius, aut præclarum suscipit, sed porcius in se impium atque nefarium scelus admittit. Ab hoc autem scelere grauissima Christi oratione deterremur. Hoc enim sicut, ne cum Deo preces adhibemus: cum ieunij libidinem refrænamus. cum egentibus opitulamur, nobis auram popularēm ut summū p̄mū proponamus. His igitur præceptis nullus modo nos a gloriæ studio renocare contendit, sed ab illa inanitate, quæ pulchritudinem gloriæ corrumpit. Quod eo erat diligentius faciendū, quo gloria magis omnibus humanis opibus antecellit. Qui enim ad voluptatem, vel ad pecuniam, vel ad alias res fluxas omnia referunt, facile possunt intelligere in quanto errore versentur. At gloriæ splendor tantus est, ut illius etiā species homines honestatis

amore flagantes commoueant: Illisq; s̄aſe ruīna periculum intendat. Fit enim interdum, ut laudis specie capti eam non ad aliud pr̄stantius bonum referendam, sed per ſe ſequēdā et amandam iudicent. ne igitur inſita laudis cupiditate pro lapsi corruamus, illa cautio adhibenda eft interdum, ne opes noſtras oſtentemus, donec cum ſtatum aſsequamur, in quo tuto poſſimus eas explicare, fructum nobis laudis, nō laude ipsam ſed hominum ſalutem, atque dei gloriā proponentes. Ut trunque autem, Criftus ipſe p̄ſcripsit. ut enī eos qui in tam lubrico loco ſine graui caſu inſistere nequeunt, a pericu loſa oſtentatione deterruit: ita illos qui ſunt aduersus manis laudis inſidias ſalutari conſilio p̄muniti, ad ſones ſuas opes proferendas impellit. Eos igitur tantum agitat, et inſectat, qui vel leuitati ſeruunt, vel gloriā ut ſūmum bonū intuetur. Tārum enim abeft, ut nos ab illa dehortetur, ut etiam ad illius ſtudium inſtruat. Veluti cum admonet, ut in uitati poſtremum in conuiuio locū petamus, ut nos ipſos ſub miffegeramus: ſic enim ait futurum, ut nobis laudis et gloriā dignitatem ampliorem inter homines etiā cōparemus. Quia trudit veræ gloriæ disciplinam: quin nobis certam et directam viam dignitatis oſtendit: qui docet qua ratione poſsimus ad laudem peruenire: is nullo modo nos a gloria deducit, ſed potius in illius ſtudiū īcedit, et incitat. Quid illud? cū clare, et aperte ſuis p̄cipit, ut omnes p̄claras actiones in luce collocent, et in omnium hominum conſpectu proponant ut illo p̄claro virtutis aspectu commoti homines Deum cognofcant, atque debita laude prosequantur. Minime igitur

necessæ est priscorum vatum responsis diuinorum hominū  
scriptis atque monumentis, innumeris piorum hominum exē-  
plis vtr, cum ipsum Christum gloriæ ducem, & authorem  
habeamus. Illi enim hæc sūt monita, instituta, præcepta, à  
quibus deflectere sine scelere nefario non possumus. Cum igitur  
gloria sit diuinum beneficium: cum in ea tantum instru-  
mentum virtutis in sit: cum nihil sit ad emendandos homi-  
num mores, & vitam recte constituendam salutarius: cum  
tantum valeat ad virtutis diuinæ gloriam magnificenter  
illustrandam: cum postremo ad eam amandam diuinis ora-  
culis, & Christi præceptis & monitis incitemur, qui tandem  
conuenit asserere eam esse Christianæ disciplinæ contraria?  
Non est igitur ullo modo gloria negligenda: sed optandum  
potius, si fieri possit, hoc fine quem diximus constituto, ut  
in omnes orbis terrarum regiones virtutis nostræ fama pe-  
netret, nec unquam nomen nostrum deleatur Nullus enim  
modus earum rerum cupiditati constituendus est, quæ ad  
hominum salutem, & ad dei gloriam referuntur. est itaque  
vocum hoc non modo amplum, & illustre, sed etiam sanctissi-  
mum, pietatisque plenissimum. Contra vero gloriam ab-  
iucere non modo est animi turpis, & abiecti verumetiam ab  
omnibus naturæ legibus, atque diuinis institutis nefarie dissi-  
dentis. Quid enim aliud est gloriam a virtute repellere, quam  
solem luce sua orbare? Aut quid minus decet hominem pietati  
deditum, quam diuinum minus aspernari, hominum salu-  
tem negligere: degloria diuini numinis minime sollicitum  
esse, Christique imperium detrectare? Hæc enim omnia sūt

committenda ijs qui laudem, & claritatem non carent.  
Quare vos hortor, ut magno, & clario animo in gloriā in  
cumbatis: eamque putetis esse cælestē quoddam munus ani  
mos nostros spe quadam amplioris decoris & dignitatis in  
flammans. Ut autem melius cerneretis nihil esse diui  
næ legi magis consentaneum, quam veræ laudis studium,  
erat mihi in huīus disputationis fine laudis ipsius ratio ab ho  
minis ortu repetenda. Sed partim quod arbitrer aures ve  
stras iam audiēdo defessa esse: partim quod solem præcipi  
tatem aspicio, hac extrema parte nunc supersedere cōstitui.  
Si placet igitur perorationem in aliū diem reseruēmus.  
Ant tu, inquit Augustinus, cum opus iam pene ad extremū  
perdixeris, imperfectum e manibus dimittas? Nos autem  
non audiēndo defessi, ut inquis, sed valde oblectati sumus: &  
sermonem nostrum, si dies non sufficerit, possumus in mul  
tam etiam noctem producere. Quare tibi author sum, ut  
præsent i dicendi felicitate, quæ tibi hodie oblata est diuinitus  
utaris. Minime enim conuenit cum orationis tuæ cursu m  
adeo secunde tenueris, ante quam portum optatum capias ve  
la contrahere. Evidem, inquit Metellus, tum demum inte  
gram voluptatem ex ista disputatione percipiam, cum illam  
absolueris. Quarece hortor, ut hodie orationi tuæ finem im  
ponas. Eadem enim operate latere in posterum levabis, &  
hominibus tui amanissimis obsequere. Evidem, inquam, in  
uitus hanc orationis partem in aliū diem differebam: vere  
bar tamen ne loquacitate mea satietatem vobis afferim.

B b ij

Nec sicutur quando vos, quæ vestra est benignitas, ad audiendū eretos esse video, per sequuntur libenter quod restat.  
Atque uinam non quod ante ioco dicebamus, Musarum numen, sed ipse diuinus spiritus mentem nostram afflaret,  
ut illius cœlesti vi, & impetu cœcitatip possemus vere glorie splendorē oratione consequi. Nec enim fieri potest, ut ingenij nostri tenuitate rem tantam prodignitate explicemus. Sed quādo me huc sermonis cursus prouexit, oneri potius ipse succumbim, quam aliquid intentatum omittam. Ut autem potissimum aliud dicendi initium sumam, quantis opibus ornatius fuerit ille princeps generis humani, a quo omnes pro creati sumus, explicari non potest. Quod enim est tantum ingenium, tamque diuina orationis facultas, & copia, quæ possit illum excellentem humane mentis habitum, illam multiplicis virtutis elegantiam, illas tantas opes memorie rationis, intelligentiae, non dico ornare dicendo, sed enumerando percensere? Si enim quis terræ situm, & circumscriptionem qui maris immensitatē: qui aeris circonfusi naturam: totius que etheris ardore: qui cælum vndeque syderibus distinctū & ornatum: qui postrem totius mundi concinnitatem & admirabilem rerum omnium conuenientiam, contemplari volunt, neque satiarit tantæ pulchritudinis aspectu queunt, neque illam naturæ vim in singulis rebus insitam ingenio & ratione consequi: Quid de illo præcellentissimi conditoris opere, cuius causa omnia quæ cernimus oculis effecta sunt cogitare debemus? Constat enim non ea solum, quæ in terris, & aquis pignuntur ad usum hominum creata esse: Sed cæ

lum et iam fuisse humani generis alendi, atque conseruandi  
causa generatur. Nostris vīsibus seruiunt illi rati, et immuta-  
biles syderum omnium cursus, cælestis naturæ admirabilis,  
et incitata conuersio: dierum, atque noctium uicissitudines  
temporum omnium varietates. Quantum vero hominis  
natura et conditio inter omnia: quæ sub sensum cadunt ex-  
cellat, ex eo perspicitur, quod nec in astris clarissimis, nec in  
sole aliorum luminum principe, nec in cælo ipso tantis syderi-  
bus illuminato, sed in homine solum accepimus fuisse imagi-  
nem diuinæ mentis impressam. Hec autem imago cernitur  
in mente, et ratione incredibili celeritate et solertia multa si-  
mul agitante, et summo studio verum semper inquirente,  
cum admirabili cupiditate diuinæ virtutis imitandæ. Hanc  
vero celæstem animi indolem lux diuinæ mentis illustrabat,  
et ad clariorem dei similitudinem omnium virtutum mu-  
neribus instruebat. Si igitur homo in illo florentissimo statu  
permäisset fuisse profecto admiranda quadā atq; sempiter-  
na gloria cumulatus. Cum enim esset diuinis ornamenti ex-  
cultus, et ad spem amplioris etiam dignitatis excitatus, ne-  
cessere erat illum, non modo in singulari dignitate versari, sed  
etiam in dies magis diuina similitudine, quam natura ardē-  
ter expetebat, animum conformare. Nec enim verum est,  
primos parentes diuinæ gloriæ cupiditate omnibus corporis  
et animi bonis euersos fuisse. Qui potuissent enim gloriæ  
illam non appetere, ad quam fruendam editi in lucē fuerāt?  
Nam enim est in natura hominis insitum diuinæ virtutis,  
et sapientiæ similitudinem optare, quam cælo in arbem ver-

## DE GLORIA

tiquam ignis superam regionem appetere, quam terrae in me-  
dium mundi locum vndeque conglobari. Quid igitur illos  
præcipites beatis sedibus exturbavit? Inconsiderata illa te-  
meritas, qua legem diuinam violando sese a Deo nefas-  
tie disiunxerunt: atque id quod sine Dei præsidio esse  
qui non poterant, per se consequi posse existimauit. Non  
igitur quia vitam florentem & beatam, atq; diuinæ si-  
milité appetiuerūt, sed quia impie & insolenter appetiuerūt  
immortalitatem atque cælestes opes amisere. Sic autem  
effectum est, ut cælesti lumine priuati in tenebris & cali-  
gine versaretur, innumeris malis vndeque circumuenti.

Perinde enim atque leue corpus solis luce collustratum occi-  
dente sole tenebricosum repente fit: ita necesse est animum  
diuina luce destitutum summa caligine circunfundiri. Et que  
admodum iū qui per loca multis latrocinijs infesta noctu iter  
faciunt, nullo modo vitare possunt infortunia: Ita qui caret  
diuinæ mentis lumine, nulla ratione potest quandiu est a deo  
seiuētus hostiles insidias, malorumque omnium tempestate  
declinare? Quid homo statim sensit, ubi primum non a deo  
pendere, sed in genio suo niti, pulchrum existimauit. Fuit enī  
repete orbatus omni lumine cælesti: spoliatus dei beneficij apli-  
ssi mis: præcipitus ex altissimo gradu dignitatis: omnibusq;  
florentissimi illius status ruinis oppressus: atque immanissi-  
morum hostium cupidati præda relictus: qui quidem illum  
primo impetu perculerunt, atque grauissimis vulneribus in-  
fictis deformauerunt. Postquam enim se ipse a summo illo  
vitæ custode, & conseruator distraxit, atque tetræ mortis

imperio addictus est, protinus anxij metus, inanes spes: immense libidines: molestissimae aegritudines: & reliquæ vitæ pestes incitatæ yndique irruunt: illum inermem, & imparatum adoriuntur, & quasi turbine, & tempestate iactarum a mentis statu deiciunt. Ut autem in lumine mentis & rationis, in ordine vite, & constantia erat sita illius honestas, & amplissimi cuiusdam decoris, atque laudis ornamentum: ita fuit necesse mentis cœcitatem, & fædam illam animi confusionem omnibus turpitudinibus, & ignominiæ maculis inquinari. Offusis itaque tenebris, malorum omnium procella concitata, perturbata ratione, fuit oppressa dignitas: obtrita laus: decus extinctum. Quid enim ego commemoarem illas tam funestas generis humani labes: tam turpia, atque detestanda flagitia tantam scelerum omnium colluisionem, quibus se homines ab illo corrupto principio propagati progressu temporis quotidie magis contaminaverūt? Tantum dicam, animal illud regium & ex celsum, ad imperium, atque laudem natum, in tantam miseriam incidisse, ut fieret tandem turpitudinis ipsius vile mancipium. Non tamen homines tantis malis effressi illam indolem penitus amiserunt: Imo quantum natura decus & laudem appeterent, animi dolore, quem sœpènus mero capiebant ex dedecoris admitti conscientia satis indicabant. Mentis enim angore, & cruciatu confessi, tam sibi ipsi displicebant, ut de vita etiam deserenda se

## DE GLORIA

pissime cogitarent. Quod si turpitudinis infamia è voluptatum libidine solum existeret, abunde magnum flagitorum incendium libidinis impurissimæ faces excitarent. Sed illud est maxime deplorandum, homines natura incensos laudis cupiditate, non modo cum libidine, aut iracundia, aut alia quævis animi perturbatione cæcati ab honestatis studio detorquuntur, infamiam subire: Sed tum etiam cum ad decus, enituntur, illam fractam, atque debilitatam animi vim ad laudem conferunt, omnibus sordibus ignominiæ maculari. Est enim hic teter animi morbus insanabilis: nempe qui nec humana ope leuari possit, nec ad eum depellendum homines erroribus inflati diuinum auxilium implorandum putent. Stupra enim, furta, latrocinia, & similes impuritates adeo tetræ & deformes ad aspectum sunt, ut eos ipsos, in quibus inhærent vehementer exterrant. At cum manissima laudis imagine deliniti dedecus insigne fuscipimus: neque facile conceptam maculam videmus, neque ad eam abstergendā opem ullā requirimus: & ita fit, ut falsæ dignitatis forma capti in perpetuo dedecore, & flagitio volutemur. Sic enī ille perenīs hostis hominū, quæ sacræ literæ Satā Hebræonimē appellant, sese ad omnē fraudem, & malitiā versat, ut nos ipsos illis naturæ principijs, quæ nobis ad bene, beateq; uiue dum attributa sunt, ad nostram ipsorum perniciem, & interestum abuti faciat. Perinde igitur atque sensum illum religionis hominum mentibus insculptum ad impuram superstitionem traduxit: Ita laudis appetitum dignitatis illecebris iniciatum in omnium flagitorum gurgite abripuit. Quod

quidem illi facillimum fuit. Cum enim homines laudem ex peterent, eamque in tantis tenebris nec ubi, nec qualis esset intelligerent: quicquid primum illorum animos inani specie pulchritudinis alluciebat, statim arripebant: neque via occulta perspicientes, neque quid esset ex illa temeritate prouenturum animo suspicantes. Hinc igitur animi tumor, & fastidium extitit: Hinc superbia, & insolentia nata est, que maximis incommodis omnem vitæ rationem perturbauit, & infinitis calamitatibus afflixit. At quibus rebus leuissimi homines efferuntur? Alijs inanis, & fluxa corporis forma, quæ temporis momento corrumpitur, tollit animos, cum interim mens ipsa, in qua est gloria sedes atque domicilium, sit omni turpitudine deformata. Alij valetudinis vane, & lubricæ firmitati confidentes humanæ fragilitatis obliuiscuntur. Alij corporis viribus elatitanta flagrant amentia, ut nullis se legibus astricatos esse putent: Quo quid esse potest indignius? Hominem reliquorum animantium principem, atque dignitate proxime ad celites accedentem, id amplum existimare, in quo sit tam multis beluis inferior. Nemo enim poterit robore leones, aut velocitate tigres superare. Illam igitur sui partem negligunt homines amentissimi, qua principatum in natura tenere facilime potuissent: & ea ruboris præstaria rument, qua neque cum brutis animantibus confundi sunt, quam tetramorbi vis conficit, quam extrema senectus interimit. Quod si corporis ingens proceritas: Si vires eximiae certam gloriandi segetem suppeditarent: quid fuisset illustrius illis Gigantibus, qui bellum teturum, & im-

C c ij

## DEGLORIA

pius cum tuis cælitibus intulisse perhibentur? Nihil enim vi  
sum est in terris aut corporis firmitate robustius, aut viriū  
immanitate truculentius, quibus insolenter elati omnes reli  
giones, atque sanctitatem neglexerunt, inauditoque scelere  
violarunt. Vnde poetæ finxerunt illos bellum contra cælum  
mouisse, atque tandem fulminum incendio conflagrassæ.  
Sed quæsonum viribus illis immensis, illa corporum vastita  
te: illis animis ingentibus potuerunt clarum, & illustre nomē  
adipisci? Non profecto. Nulla enim sunt relicta tantorum  
facinorum vestigia: illorum internicione sublata funditus at  
que deleta sunt: nec aliud ex eorum rebus gestis accepimus,  
nisi fuisse genus hominum superbum, arrogans, elatum, sa  
uum immane, truculentum, diuinis legibus, & institutis ins  
micum, quod tandem Dei telis confixum evanuerit. Ergo  
cum genus illud tam vastum, & tanto corporis robore mu  
nitum nullam sui memoriam reliquerit, nisi tenuem & obs  
curam, & quæ magis valeat ad insignem maculam nullis  
æstatibus cluendam, quam ad egregium nominis splendorem:  
Quid istic amentius fingi potest, qui in tanta vita breuitate  
& imbecillitate naturæ, eaque tam multis & infestis casis  
bus obiecta, tenuissimis elati viribus insolescunt? Alij deinde  
pecunij, & fortune muneribus efferuntur, cum interim im  
moris illa cupiditatis sitis qua semper astuant, extingui nul  
la ratio ne possit. Et ita fit ut non modo auaritiæ sordibus in  
quinentur, sed etiam semper in mendicitate vivant. Iam  
vero qui leui & inani nobilitatis nomine gloriantur, quam  
amentes sint, est explicatu difficultimum. Ita enim gaudent

imaginibus, & fucato illo generis splendore, atque si-  
possent eo nomine sese incolumes ab omni turpitudine,  
& infamia conseruare, & ad immortalitatem perueni-  
re. Quid de illorum insanis dicam, qui splendidis titulis,  
& honoris insignibus erecti se in cælo esse putant. Glo-  
riosum enim atque beatum existimant in oculis ciuium  
esse, magnis hominum gregibus stipari: à multis ambi-  
tiose salutari: molestissimis negotijs interessere: minime  
videntes interim quam inane sit illud honoris nomen,  
quam plenum curæ, solicitudinis, angoris, quantis inuidie  
telis expositum: quantis saepe cladibus oppressum, & ex-  
tinguitum. O extremam dementiam hominum existiman-  
tium in istis tam infirmæ naturæ muneribus, aut temeri-  
tatis, & fortunæ ludibrijs aliquod veræ dignitatis orna-  
mentum, aut firmamentum gloriae esse constitutum.  
Quid enim his rebus inanius? Quid leuius? Quid com-  
mutabilius? Ut enim in turbato mari fluctus alios at-  
que alios magnitudine & fremitu dispares, & dissimi-  
les subinde tumidos attolli, atque repente frangi cernimus:  
sic in his tantis vndis, & quasi quodam æstu rerum huma-  
narum alios extrolli, atque repentino motu deprimi vide-  
mus: Alios vicissim ad eum locum ascendere unde sint  
etiam statim deiiciendi, ruinaque magnitudine conteren-  
di. Nihil est enim in vitam firmum, & stabile, quod  
non uno momento temporis extinguatur. Ex quo facile  
cernitur omne quod videtur hominibus imperitis pulchrum

Cc ij

& expertus nihil habere solidi, nihil expressi, nihil eminetis:  
sed esse tantum inanem quandam speciem stultorum oculis  
obuersantem, quæ cum procul appetit, insignis, & ampla vi  
detur: si vero proprius accedens eam attrahere, & in manus  
sumere studias, effugit, par leibus ventis, volucrues simili  
lima somno. Praeclare igitur sanctissimus ille poëta David  
fluxam & instabilem rerum humanarum conditionem ex  
ponens ait futurum, si in altera libræ lance vanitas ipsa, in  
altera autem hominis studium fuerit impositum, ut ipsa va  
nitas longe, multumque præponderet. Non potuit magis ho  
minum amentiam explicare, qui præclara cupientes, & eam  
cupiditatem in res fluxas, & manes conferentes, turpiter  
irrifi, & æternis maculis aspersi relinquuntur. Non leuiori  
bus autem flagitijs infecti & inquinati fuere qui vendita  
bant ingenium, & maximarum rerum scientiam in illis te  
nebris ostentabant. Nam cum omnis in scitia turpis est, tum  
nihil fædius eorum temeritate, qui se tenere altissimarum  
rerum cognitionem profitentes in minimis etiam labuntur.  
Quæ enim tanta dementia est, ut sit cum illorum leuitate,  
& insania comparanda? Alij res humanas mente diuina re  
gi, & administrari negabant: deumque impia oratione tolle  
bant. Alij in numerabilem vim Deorum inducebant, quos  
certis tantum officijs, atque muneribus pro suo arbitratu  
præficerent. De animorum autem natura incredibili etiam  
dissensione certabatur. Quid dicam de naturæ principijs?  
Alij enim aquæ, alij aëri, alij igni, alijs corporibus causa  
& originem rerum omnium tribuebant. Quin etiam mul

ti ut facilius probarent, ad mundum efficiendum non diuina ratione & consilio opus fuisse, innumerabiles mundos finge bant, ex individuorum corporum concursione fortuita. Argumentis itaque mundum efficiebant: argumentis euerte bant: eundemque rursus instaurabant, atque renouabant. Multo acutius perspexisse videntur naturae vim illi, qui omnem dignitatem in honestate collocantes omnia studia vitae ad comparandas opes animi contulere. Sed in tanta caligine tantoque naturae vulnere, quanuis esset eorum conatus egregius, & caput attollere, atque seipso erigere valde cuperet, frustra tamen nitebantur. Fracta enim vis animi inanes faciebat impetus, & vis libidinis incitata miseros mortales ab intentio honestatis studio deducebat. Non igitur veram virtutem, sed simulachrum virtutis multis flagitiis tanquam luto oblitum studiose consectati sunt. Ut igitur fingunt poetae Ixionem Lunonis amore incensum cum nube speciem Iunonis referente fuisse congressum, atque ex ea nube Cetauros procreasse: Ita quidam naturae stimulis incitati ad honestatis studium inanem illius imaginem complexi, sobolem inanem & mistam, atque monstri similem genuere. Non est enim magis monstrum animal ex hominis, & equi figura conglutinatum, quam habitus mentis ex honestatis specie, & turpitudine insigni compositus. Alius itaque magnitudine animi praestans eam elationem ad superbia conferebat. Alius frugalitati quodam modo seruiebat: sed eam frugalitatis laude auaritia & feditas inquinabat: Et ita in reliquis officijs, Nec enim omnia persequi libet omnes, virtutum decus, & elegan-

## DE GLORIA

tiam vitiorum dedecore corrumpabant. Quid igitur? Num  
potest virtus cum vitijs simul habitare? Nullo modo. Nec  
enim patitur honestas ullā turpitudinis, & ignominiae coniunctionem. Constat itaque non fuisse illam veram honestatem, quae tantis in omni genere vitijs infecta, & contaminata fuerit: sed manē honestatis imaginē multiplicis naturae foetum, atque tanquam portentum efferentem. Quam me pudet igitur illorum hominum exemplis orationem referuisse, qui nunquam ullam partem solidæ dignitatis attigerunt: sed in illius tantum umbra consecranda fuerunt occupati. Nam Phociones, Metelli, Pauli, Scipiones, & reliqui simili laude floentes cum multis vitijs imbuti fuerint, facile apparet, quam fuerint remori ab illa vera virtute omnem contagionem turpitudinis repellente. Erant enim eorū mentes cum illa communī plaga perculse & abiectae, tum suis quæque morbis, iisque granissimis atque molestissimis oppressæ & impeditæ. Illi quidem diutius in laude vigebant eis qui virtutem ementiendo erant artificio quodam simulationis eruditi: Quorum laus statim interibat. Non enim simulate ut illi: sed vere, & ex animo effigiem illam virtutis, quam vulgus maxime pulchram, & elegantem indicabat (nec enim aliquid honestius imperitorum animis occurrebat) incredibili studio sequebantur. Cum tamen laus illa non esset orta a vera virtute, consequens erat, eam post aliqd tempus imminui & extingui. Nam ut homines ignari pingendi primum quidem floridis & illustratis tabulis parum artificiose pictis allecti, picturae vicia non sentiunt

Vbi tamē propius accesserint, vel ab intelligētibus admoniti,  
vel ipsi perse paulo diligentius intuentes ea cernunt: Ita mul-  
titudo quā insignis & ampla species honestatis detinet, ne sta-  
tim videat oculis vitia sub illustri illa specie latētia, önia tā  
dē aliquādo clare perspicet. Ita autē fiet, ut quæ videbātur  
antea ad aspectū venusta, interiecto spatio infamiae sordibus  
obsolescāt. Videris igitur quomodo post illud mortiferū vul-  
nus humano generi impositū öne decus euersū fuerit? Quā  
tū naufragiū laudis & gloriæ factū sit? Nec enim solum iū  
qui dignitatis studia deserentes se se libidini cōstringendos  
dedidere: nec illi modo qui dignitatē quidē amat, eam tamen  
e rebus levissimis petendam existimant: sed illi etiā qui sa-  
pientiam admirantur, & in virtute omnia præsidia digni-  
tatis sita esse constituant, omnibus gloriæ ornamenti spolia  
ti iacent, & in summo dedecore versantur. Q uod quidem  
illis accidit, quia veræ virtutis viam penitus ignorant. Non  
enim opem diuinā implorando: sed in se ipsis omnia ponēdo se-  
comptos virtutū omnium fore credunt. Inanis igitur, &  
fluxa laudis imago illudit hominibus amētissimis, qui quasi  
sommio beati cū maxime sibi frui gloria videntur, tum ma-  
xime omnibus infamiae notis inuruntur. Q uid enim turpi  
us amētia? Q uid autē amentius, quā rerū imagīnibus illu-  
di? An qui graui & periculosa febri iactātur insanire putan-  
disunt, quoties quibusdā visis inanibus excitati se valētes  
et integros esse putāt, qui vero malis omnibus oppressi, dece-  
pti tamen umbris & imaginibus efferrūtur, inclamat, se se  
que florentes atque beatos esse prædicant, sanos appellabimus.

## DE GLORIA

Hic quidem non insani modo, sed etiam furentes sunt existimandi. Si igitur illi etiam qui omnes conatus ad honestatem comparabant, tantis flagitijs cooperti fuerunt, fieri non poterat, quin omnes mortales in sempiternam ignominiam nascerentur. Sed venit ille summus generis humani conditor, & conservator, ut nos e tenebris in lucem & claritatem vindicaret, atque viam aperiret ad veræ laudis, & gloriae claritatem. Aduentu igitur suo caliginem omnem repente dispulit: genus humanum a contractis sceleribus expiauit: omniumque virtutum munibus illustrauit: & in amissam dignitatem multis ornamentiis amplificatam restituit. Nam cum omnis gloria sit a vera virtute nata: qui veræ virtutis lumen rebus humanis attulit, is plane gloriam generis humani constituit. Et quem admodum ut veram religionem instaurarer, nefariam superstitionem, & errores impios extirpauit: ita cum nos in veram gloriam deducere vellet, prius non disciplina tantum, sed vitæ etiam documentis popularis laudis manitatem compressit. Omnia igitur caduca, & mobilia e quibus iactatio in populo atque levitas existit, aspernatus est: Illaque tantum ornamenta recinuit, & in hominum aspectum, lucemque protulit, e quibus immortalis laus, atque dignitas efflorescit. Ita igitur elationem, fastidium, & arrogatiā configit, ut interim ornamenta diuina, quorum immēsa copia redūdabat hominibus explicaret, atq; propalat collocaret. Et primum quidem ut homines ē diurnis tenebris emergentes, cum repente in solem oculorum aciem intēdunt, aspectum amittunt: ubi vero paulatim affuescunt lucē

intueri, illius munere cum eximia iucunditate fruuntur:  
ita cum tam insolita lux hominum mentibus oblata esset,  
partim in cæcitatem conuersæ sunt tantum splendorem mi-  
nime sustinentes: partim primum quidem ad illius aspectū  
hebescentes, ubi magis atque magis illam aspicere potuerunt  
Christo singulari studio & amore copulatae sunt. Nā quid  
ego referam innumerabilem hominum multitudinem illius  
videndi, & audiendi gratia vnde confluente? Quid per  
sequar illas laudes amplissimas, quas cœlestis Christi vir-  
tus, atque benignitas excitabat? Maxime cum cerneret om-  
nes illum diuina potentia munitū morbos insanabiles curan-  
tē mortuos in vitā reuocantē: dæmones expellentē, atq; fū-  
ditus euertētē. Quāuis igitur fuerit illius virtus perditis  
hominibus inuisa quāuis onia inuidiae tela in illius sanctis  
simū corpus ad hæserint, omnes tamē quātauis immanitate  
sceleris efferari, de illo præclare atq; magnifice sentiebant.  
Dæmones etiā infestissimi diuinae virtutis atq; sacerdotatis te-  
stimoniū inuiti, atq; recusātes illi dare cogebātur. Quo ma-  
gis autē conseclerati homines, quasi furiarum tediis ardenti-  
bus agitati Christi gloriā deformare, inquinare, peruertere  
cogitabant: Eo magis illius claritas & amplitudo cerneba-  
tur. Fit enim ut virtus exercita multo clarius elucescat.  
Omnibus igitur modis Christus exemplo suo nobis veræ lau-  
dis & gloriæ viam mostram, humanas opes, & popularis  
famæ levitatem contēnendo: virtutis admirandæ lucem mi-  
seris & afflictis porrigendo: magna vi improborum petulā-  
tiam confutando: tempestates hominū perditorū furoribus.

Dd